

傷寒瘟疫條辯

本草類辨目錄 卷六

補劑類 三十一種

人參

蘆在末條

熟地黃

生乾

甘草

稍

黃耆

白朮

茯苓

皮神

芍藥

赤

當歸

遠志

小草

山藥

杜仲

牛膝

何首烏

山茱萸

胡桃仁

女貞子

枸杞

地骨皮

菟絲子

覆盆子

五味子

五加皮

葫蘆巴

瑣陽

肉蓯蓉

骨碎補

河膠

龜版膠

版

鹿角膠

茸

丹砂

磁石

玉竹

潤劑類

十二種

天門冬

麥門冬

款冬花

紫菀

酸棗仁

栝子仁

大麻仁

百合

枳椇子

牛乳

竹瀝

蜂蜜

蠟

寒劑類

三十五種

元參

沙參

苦參

黃連

胡黃連

黃芩

黃柏

知母

梔子

連翹

青黛

白頭翁

石蓮子

川楝子

根皮

牛蒡子

青蒿

茵陳蒿

山豆根

防己

石膏

香薷

栝樓實

花粉

馬兜鈴

柿

枇杷葉

金銀花

蒲公英

龍胆草

夏枯草

益母草

子

牡丹皮

桑白皮

葉枝

代赭石

羚羊角

犀角

童便

熱劑類

七種

附子

烏頭側子

肉桂

桂枝

乾薑

益智子

破故紙

石硫黃

米酒

燥劑類

七種

白附子

蛇床子

吳茱萸

根枝

肉豆蔻

白豆蔻

草豆蔻

草果

蒼木

本草綱目卷之六

七

消劑類 十三種

蓮子

葉 葉

芡實子

木瓜

秦皮

川續斷

訶黎勒

罌粟殼

椿樗

皮 白

五倍子

地榆

赤石脂

牡蠣

龍骨

齒

消劑類

三十九種

縮砂仁

沉香

木香

陳皮

青皮 核葉

枳實

殼

厚樸

藿香

桔梗

檳榔

皮 大腹

烏藥

南香附

滑石

猪苓

澤瀉

木通

車前子

葉

燈草

山查

六神麩

使君子

菘菴子

菘菴

白芥子

旋覆花

前胡

半夏

川貝母

胆星

南星

鬱金

薑黃

丹參

五靈脂

延胡索

紅花

子

澤蘭葉

紫草茸

桃仁

花

杏仁

茜根

雄黃

散劑類

二十種

白僵蠶

蟬蛻

淡豆豉

石菖蒲

甘菊花

根

威靈仙

鈞藤鈞

荆芥穗

蘇薄荷

軟柴胡

川芎

天麻

秦艽

升麻

葛根

白芷

羌活

獨活

細辛

防風

汗劑類 四種

麻黃 根

紫蘘葉

子

蒼耳子

水萍

下劑類 八種

大黃

芒硝

巴豆

甘遂

柴太戟

澤

芫花

葶藶子

牽牛子

攻劑類 六種

穿山甲

鱉甲

乾漆

京三稜

蓬莪朮

毛礞石

吐劑類 六種

瓜蒂

白礬

牙皂

常山

藜蘆

人參蘆

蘆卽參苗
一種也

補五種

淫羊藿

在故
紙下

沙苑蒺藜

在續
斷下

辛夷花

在薄
荷下

蔓荆子

在細
辛下

丁香

在乾
薑下

夫藥之爲類多矣治病不要求奇神明存乎其人

右記一百八十八種一種連及者又四十四味分

爲十二劑人參之外非常不同平易之物用須辨

明俗云多不如少少不如好今人趨利若鶩以磨

物欺人者皆是也當局者不可不慎再如苦菜用

五兩水十盞煎三盞分三次連服治產後腹痛如錐刺並腰脚刺痛者芋根蘆根芋

根艾葉柳葉蔭葉栢葉茶葉竹葉竹茹槐花榆皮

大青小蘗小鹽化水洗乳巖及瘰癧極驗地錦草紫地芴蓼實

旱蓮草茨荊鷄內金高牛地龍搗爛入井水攪清飲之治溫病大熱

狂言大腹黃疸隨宜用並治腎風脚氣伏龍肝石灰百草霜黑墨葱

韭薤蒜生薑大茴花椒紅麴米醋梗米糯米白菖

豆黑豆赤豆豕豆薏苡仁金匱方薏苡仁附子敗醬湯治腹瘡有膿薏苡

仁五錢附子一錢敗醬二錢五分水煎日三服脂麻單麻子浮麥麥芽穀

芽西瓜甘蔗荸薺荔枝元肉橄欖棗子

四物雖非北地土產

亦居家常有之物

白果棗梨桑葚烏梅柿乾柿霜柿蒂髮

灰尿餘人中黃五穀蟲官粉鐵繡銅綠驢馱馬刺
敗鼓之皮附記七十四味隨地皆有取之甚便察
之甚明用如其證效如響應世多舍近而圖遠舍
易而求難豈非貴耳賤目乎

陳茶芽煎

治多年偏正頭風疼

茶芽

五錢

黑豆

五十粒

燈心

五寸

金銀花

三錢

元參

蔓

荆子

防風

天麻

各一錢

川芎

辛夷花

各五分

外用水茯苓四兩煎湯取三盅煎服洋再取二盅煎

服重者不過二劑

通淋膏

治五淋瀝疼並小便不通

地龍

一條蝸牛一個

搗敷臍上卽愈

來復丹

旱蓮草

二斤

地錦草

二斤

煮膿汁去滓入黑豆

四斤青鹽

四兩

汁沒豆一二指細火攪煮以汁盡爲度

晒乾長服滋腎益肝烏鬚明目却病延年 以上

數方至平至易之藥屢試屢驗可見治病全不在

貴且異者

本草類辨

夏邑後學栗山楊璿玉衡訂正 子鼎編次

古宋畏齋先生郭善鄰春山叅較

補劑類

人參

反藜蘆

味甘微苦陽中微陰入手太陰肺升也陽

氣虛竭者回之於暫敗之初陰血崩潰者障之於決

裂之後

獨參湯主之

惟其氣輕而不辛所以能固氣惟其

味甘而純正所以能補血故凡虛而發熱虛而自汗
虛而眩暈虛而困倦虛而短氣虛而驚懼虛而遺泄

虛而瀉痢、虛而頭疼、虛而腹痛、虛而飲食不運、虛而
 痰涎壅滯、虛而吐血、血虛而淋瀝、便閉、虛而嘔逆、
 煩燥、虛而下血、失氣等證，是皆不可不用者。第以氣
 血相較，則人參氣味頗輕，而屬陽者多，所以得氣分
 者十之八，得血分者十之二。總之為氣分之物，而血
 分亦必不可少。未有氣不生而血能自生者也。生脉散人
 參五分、麥冬一錢、五味子十粒，治夏月火旺燥金，暑
 淫少氣，汗多口渴，病危脈絕，菴心生脉，肺朝百脉，補
 肺清心，則氣充脈復，轉危為安矣。故扁鵲曰：損其肺者益其氣，須用
 人參以益之。肺氣既旺，他藏之氣皆旺矣。凡藏府之

有氣者皆能補之。然其性溫積溫亦能成熱。雖東垣云參耆爲退火之聖藥。丹溪云虛火可補。參朮之類是也。此皆言虛火也。而虛火二字最有關係。最有分解。若內真寒而外現假熱之象。是爲真正虛火。非放胆用之不可也。參附湯主之附減半於參是也。然有一等元陰虧乏而邪火燔燥於表。裏神魂燥動。內外乾枯。真正陰虛一證。誰謂其非虛火。如過用人參。實能助熱。若節菴云。陽旺則陰愈消。節要云。陰虛火動者不用。又云。肺熱遠傷肺等說。固有此理。不可謂其盡非。而李月池

身法卷之二
十
輩皆極不然之恐亦未必然也。夫虛火二字當分實
中有虛虛中有實陽中有陰陰中有陽就證論證勿
以成心而執偏見斯可矣。若龍雷之火原屬虛火如
巴蜀有火井投以水則燔投以火則滅是卽假熱之
火故補陽卽消矣。至於亢旱塵飛赤地千里得非陽
旺陰虛而可以補陽生陰乎。或曰此正實火也得寒
則已。余曰不然。夫炎暑酷烈熱令大行此爲實火非
寒莫解而乾枯燥旱泉源斷流是爲陰虛非水莫濟。
此實火與陰虛亦自判然可別。是以陰虛而火不盛。

者自可用參爲君。若陰虛而火稍盛者，但可用參爲佐。若陰虛而火太盛者，則誠有暫避人參而惟甘寒壯水之劑庶可收功。六味地黃湯、大劑濃煎，或人參麥冬、青蒿、枸杞各一兩，固本丸、熟地、乾地各二兩，天冬、人參、五錢爲末，煉蜜丸。蓋天下之理原有至是，謂之曰陰虛，必當忌參，固不可謂之曰陰虛，必當用參，亦不可要在斟酌病原，適其可求其當而已。言問曰：人

東垣理脾胃，瀉陰火，人參、皂角同用，是惡而不惡也。人參畏五靈脂，古方療月閉，四物湯加入人參五靈，是畏而不畏也。又吐痰在胸膈，人參、藜蘆同用，而取其涌越，是急其怒性也。此非洞達經權者不能知。

熟地黃

北方純陰上肥力大懷慶者佳

味甘微溫，陰中微陽，氣薄味

厚降也。本草言手足少陰厥陰經藥大補心血滋培
腎水兼益藏血之經。此論蓋得其大畧而未盡其奧
妙。夫地黃產於中州沃土之鄉得土氣之最厚者其
色黃土之色也。其味甘土之味也得土之氣味與色
而曰非太陰陽明之藥吾不信也。惟是生用性寒脾
胃喜溫固所宜慎。至於熟則性平稟至陰之德氣味
純靜故能補五藏之真陰而於統血多血之藏爲至
要。豈非脾胃經藥耶。仲景八味丸以熟地黃爲君脾
腎兼補也。經云飲食生化而精

於夫人之所以有生者氣與血耳。氣主陽而動血主

陰而靜。補氣以人參爲君。而耆朮爲之佐。補血以熟地爲君。而芎歸爲之佐。然在耆朮芎歸則又有所當避。而人參熟地無有出其右者。故諸經之陽氣大虛。非人參不可。諸經之陰血大虛。非熟地不可。凡陰血虧損。有爲發熱。爲頭痛。爲焦思。爲喉痺。爲嗽痰。爲喘氣。或腎寒上衝爲嘔吐。或虛火載血於口鼻。或水濕之溢於皮膚。或腎枯而泄利。或陰脫而跌仆。或陰虛而狂亂。或陰虛而神散。或陰虛而火升。或陰虛而燥動。或陰虛而剛急。或陰虛而水泛爲痰。或陰虛而真。

氣散失等證。舍熟地。何以填精補髓。滴滴歸源。使先天後天之陰血大旺。而陽有以化乎。然而陽性速。故人參少用。暫用可以成功。陰性緩。故熟地非多用。常用難。以奏效。而今人有畏其滯膩者。則崔氏何以用腎氣丸。而治痰浮。有畏其滑濕者。則仲景何以用八味丸。而治腎泄。有自蒸而用者。則帶鮮而蒸者。熟地既乾而蒸者。生地頭之既大。氣足而火候到。家常之既小。氣薄而火候微。此生熟之有殊。而功力之有間也。有謂陽能生陰。陰不能生陽者。蓋亦偏說。夫陰陽之。

理原自互根。無陽則陰無以生。無陰則陽無以化。內
經曰：精化爲氣，得非陰亦能生陽乎？又若製用之法，
有用薑汁炒者，則必中寒兼嘔而後可；有用砂仁製
者，則必脹滿不行而後可；有用酒拌蒸者，則必經絡
滯塞而後可；使無此三證而妄用此製法，是不知用
熟地者正欲其靜重，而反爲動散，以逆其性，是蛇足
也。余意總不如用黑豆煮湯，肉黃皮黑補脾補腎鮮者洗淨，乾
者泡透，循環津潤，九蒸九晒，九露以熟爲度耳。今人
卽欲用之補陰，而必兼以滲利，則焉知補陰不利水。

利水不補陰而補陰之法不宜滲。卽欲用之補血而復疑其滯膩則焉知血虛非燥土早極。望雲霓而枯。竭之腸極喜滋潤。設不明此乃少用之。尙欲兼之以利。又孰敢單用之。而任之以多。單用而多且不敢。又孰敢再助以甘而盡其所長。是又何異。噎而廢食也。悲夫。○生地黄甘苦大寒。氣薄味厚。沉也。陰也。入心包肝腎。瀉丙丁。導赤散清燥金。消瘀通經。平諸血逆。治吐衄崩中。淋痢尿血。骨蒸煩燥。及傷寒溫病陽強。痘疹大。○乾地黄性味功川與生地畧同。而稍緩。滋

此加味犀角地黃湯血熱嘔吐
男女待宜厚煎
另入荊芥
和抄應用

陰退陽涼血和血而生血。潤燥除煩而止渴。治一切

陰虛發熱之證。

烏龍丸治兩目昏而復明。則他證可知。乾地、熟地、川椒等分爲末。煉蜜丸。

溫酒送下。

生地、熟地、歸身、白芍、丹皮、四錢、元參、沙參、雲苓、牛膝、荊芥、二錢、柴苓、犀、一錢、熱逆嘔血驗。

甘草

反甘遂、大戟、芫花、海藻、大忌、無鱗魚。

味甘、氣平、性緩、生用補脾胃

不足而瀉心火。蜜炙補三焦元氣而散表寒。可升可

降。無毒而善於解毒。得中和之性。有調補之功。

仲景有炙

甘草湯

故毒藥得之解其毒。剛藥得之和其性。表藥得

之助其升。下藥得之緩其行。助參耆成陽虛之功。人所知也。助地黃療陰虛之危。誰其曉之。健脾胃。堅筋

骨長肌肉。祛邪熱。隨氣藥入。氣隨血藥入。血無往不
可故。稱困老。余每用人參熟地甘草大劑濃煎。治氣
血兩虛。陰陽將脫證。屢收奇功。惟中滿勿加。恐其作
脹。欲速下勿入。恐其緩功。惡心惡甘。嘔吐亦忌。純寒
純熱之藥。必用之以緩其力。金匱方飲饑中。未審何物煎甘草薺芩湯。入
口便活。千金方陰頭生瘡。蜜煎甘草末頻敷之。○稍達腎莖。止疼。小蘗飲于用之。
小蘗藕節當歸黑蒲黃黑梔子生地木通滑石甘草積竹葉等分。水煎服。治尿血血淋效。
黃耆生涼炙溫味甘氣平。氣味俱輕升也。陽也。專於氣分
而達表。故能補元陽。壯脾胃。充腠理。長肌肉。治虛勞。

除虛熱氣虛難汗可發表虛多汗可止其所以止血
崩血淋者以氣固而血自止也故經曰血脫補氣其
所以除帶濁泄痢者以氣升而陷自起也故經曰陷
者舉之然而氣味俱浮專於氣分性不純良表實者
不宜用裏虛者宜少用恐升氣於表而裏愈虛也氣
實誤用則致喘急脹滿關格血虛過用則致吐衄痰
壅咳嗽仲景有黃升陽益胃湯黃耆二錢人參甘
耆建中湯草半夏一錢陳皮白朮白芍白
茯苓澤瀉羌活獨活柴胡防風五分黃連三分生薑
七分大棗二枚水煎認卷曰東垣首重脾胃而益胃
又以升陽爲先故每用補中上升下滲之藥此
易補中有散發中有收脾胃諸方多從此防也

白朮 味甘澆氣溫氣味俱厚可升可降陽中微陰
乳製潤其燥土炒揚其氣氣溫燥故實脾胃啟咽逆
止瀉泄祛勞倦進飲食除濕運痰津液自生味清滯
故止汗實表適宜得之反多腹奔豚過之反增氣上
焦燥熱氣多壅塞者不可用作黃芩以安胎君枳實
以治痞。白朮三兩枳實三兩水煎分
三服治心下水積學大如鱗在氣主氣在血
主血四肢困倦目不欲開怠惰嗜卧不思飲食當加
用之無汗則能發有汗則能止

茯苓

雲南
者佳

味甘淡氣平性降而滲陽中陰也上達肺

氣而下通膀胱本草言白行壬癸赤瀉丙丁故能利

竅滲濕

仲景有茯苓甘草湯

利竅則開心益志導濁生津滲濕

則逐水燥脾補中健胃祛驚癇厚腸藏治痰之本助

藥之降以其味甘故曰補陽但補少利多耳○皮專

行水蓋以皮行皮之義治水腫膚脹

脾不能為胃行其津液故腫脹

澹寮五皮飲茯苓皮五加皮桑白皮大腹皮陳皮

等分加生薑皮煎此於消腫之中仍寓補脾之意○

茯神附根而生專理心經補心氣健忘止恍惚驚悸

然總不外滲利與茯苓不相遠也

茯苓皮非補劑類也一種而性味不

同者甚多觀者勿以連及而誤之餘做此

芍藥

反藜蘆

味微苦微甘微酸氣微寒氣薄於味欽降

多而升散少陰中陽也白補赤瀉生用氣微涼酒炒氣極平其性降故入血補肝虛瀉肝實固腠理消癥腫止瀉泄利小便除眼疼緩三消欽血虛之發熱歐血虛之腹痛白者安胎熱不寧赤者能通經破瘀按芍藥特補藥中之微寒者非若極苦大寒之比乃產後補血和氣之要藥也若謂其色白屬金寒伐生發產後當忌則凡白過芍藥寒過芍藥者又將何如丹

溪之言不可泥也

仲景芍藥甘草湯治榮氣不足腹疼甚驗

當歸味甘辛、氣溫、味重、氣輕、可升可降、其味甘而重、故補血、其氣輕而辛、故行血、補中有動、陰中有陽、血中氣藥也、頭止血上行、身養血中守、尾破血下流、全和血不走、佐以補藥則潤、故能養榮、佐以攻藥則通、故能止疼、榮虛而表不解、佐以葛根等劑、亦能散表、衝熱而表不斂、佐以六黃之類、亦能固表、惟其氣辛而動、欲其靜者、當避之、惟其性滑而行、大便秘澀者、當避之、若血滯為病者、正所當用也、當歸導滯湯、治痢神效、其要在動滑二字、入心生血、入脾統血、入肝藏血、凡

血分受病必用之。血壅而不流則疼。須當歸辛溫以

散之。使血氣各有所歸。諸頭疼與心腹兩脇疼俱屬

肝木。故以血藥主之耳。

當歸養血湯。黃耆一兩。當歸四錢。陽生陰長之義也。

遠志

甘草湯浸去心炒

味辛苦。氣溫升也。陽也。功專心腎。故

可鎮心定神。祛邪安寢。壯陽益精。強志助力。增益智

慧。不忘。和悅顏色。耐老。治小兒驚癇。客忤。療婦人口

噤。失音。因其氣升。同參草棗仁。能舉陷攝精。交接水

火。但可佐不可多。○小草其苗葉也。除胸痺。心疼。氣

逆。禁虛損。遺精滑。

古方定志丸。遠志。茯神。石菖蒲。人參。爲末。蜜丸。

山藥 味甘淡性清健脾補肺堅骨益心治諸虛百損療五勞七傷健忘滑精瀉痢瘰腫但其氣味輕緩難勝專任故補心肺必主參朮滋腎水必主地黃瀉滯濁須故紙同煎固精滑仗茯苓相濟止瀉痢必借菟豆遺子與芡實生搗敷毒能消腫硬耳諸丸固本丸藥並可煮搗爲糊

安道曰仲景入味丸用之以強陰

杜仲

鹽水拌炒斷絲

味甘氣溫色紫入肝潤燥補虛子能令

母實故又滋腎肝充則筋健腎足則骨強益精秘氣除陰囊濕痒止小水遺遺煖子宮固胎氣堅筋骨壯

腰膝及足弱難行

源兼曰一少年新娶得脚軟病且
疼甚作脚氣治不效于思此腎虛

也用牝仲一兩水酒

各半煎服六日全愈

牛膝

川出者佳
懷次之

味甘苦氣微涼性降而滑陰也酒蒸

補髓填精益陰和血療腰膝痠疼滋鬚髮枯白酒漬

走十二經絡助一身元氣主手足痠痺血燥拘攣通

膀胱秘瀉大腸乾結生用其性下走如奔破血癥通

血閉引諸藥下行治心腹諸疼淋瀝尿血墮胎極速

滑洩勿設

古方地髓湯治尿血淋牛膝一兩水煎
成謂菴曰熱畜膀胱尿瀉而疼日淋氣淋

便瀉餘淋勞淋房勞卽發冷淋寒戰後溲膏淋便出
如膏石淋肝經移熱於髓中口久熬煎精結成石非

腎與小腸病也。色鮮心與小腸實熱。色瘀腎與膀胱濕熱。宜通氣清心平火利濕。不宜用補。恐濕熱得補增劇也。牛膝請淋要藥。血淋尤宜。又有中氣不足致小便淋瀝者。宜補中益氣。經云氣化則能出是也。忌用淋藥。李時珍曰。虎杖根尤通五淋。破宿血。木串方。虎杖根二兩水煎去渣。入乳香麝香少許。服一人沙石淋已十三年。每澀痛楚不可忍。偶得此方。服之一夕而愈。此予眼見者。又聖惠方。治月經不調。致瘦腹大如囊。虛脹雷鳴。四肢沉重。氣短欲死。虎杖根一斤。剉碎。木十段。浸一宿。煎取二碗。再入茜根汁二碗。牛膝汁二碗。同煎如饒。每用三錢酒化冲服。日二夜一。宿血當下。男積亦治。

何首烏

味苦甘。瀉氣濕。夜則交。藤有陰陽。交合之

象。堅腎補肝。養血祛風。消癰瘰。散癥腫。療五痔。止腸風。敗惡瘡。烏鬚髮。明耳目。添精神。長肌肉。補虛勞。強

筋骨益精髓壯腰膝治婦人經胎產崩漏等證老弱尤爲要藥久服生子延年應節處方嘉靖驗之此七

寶美髯丹之所以傳也赤白合用氣血兼補黑豆拌

蒸勿犯鐵器七寶美髯丹赤白何首烏二斤黑豆湯

苓乳蒸歸身枸杞子菟絲子酒蒸八兩故紙

四兩黑脂麻拌炒爲末煉蜜丸鹽水送下

山茱萸溼蒸去核味辛酸瀉收斂氣平微溫陰中陽也入

肝腎益精秘氣助水藏以煖腰膝充精氣以利九竅

壯陽道節小便瀉帶濁斂汗止渴調經收血主心下

邪氣除一切風逐一切冷所云滑則氣脫瀉劑所以

收之也。

仲景入味丸用之其性味可知。

或云畏酸者暫已之。

古方葶還丹益

元陽補元氣固元精滋元血精剛延年之要藥也。山茱萸酒蒸去核一斤破故紙酒炒八兩當歸酒蒸四兩麝一錢爲末煉蜜丸如桐子大每服八十一丸酒下。

胡桃仁

味甘氣平肉潤皮濇其汁青黑入肺肝腎

命門三焦溫肺潤腸固精秘氣養血滋陰佐故紙減半治腎虛腰疼有木火相生之妙上而虛勞喘嗽中

而遺精滑泄下而腰脚痿躄內而心腹之痛外而瘰

瘍之毒皆可除也。

加味青蛾丸治腎虛腰疼並外邪所侵腰腿筋骨疼胡桃仁八兩破

故紙鹽水炒杜仲姜汁炒牛膝酒炒黃柏鹽水炒四兩知母鹽水炒三兩葶藶四兩分四分鹽酒童便米

泔各浸炒一分晒乾爲末春夏
米粥爲丸秋冬煉蜜爲丸任下

女貞子 味甘微苦氣平其樹似桂少陰之精益肝

腎安五藏養精神強腰膝補風虛烏髮鬚療百病聰

耳明目久服延年古方罕用何哉女貞子酒蒸二十

草十兩煉蜜丸補腎益肝強陰壯陽治虛損百病如

四月搗桑椹汁七月搗早蓮汁不必用蜜因其樹陸

冬不凋故又謂之冬青子
亦女貞之義也非兩種也

枸杞子 味甘微辛氣平可升可降潤肺滋腎養肝

以其味重而純故能補陰以其陰中有陽故能補氣
陰滋則血盛氣足則陽旺諺云去家千里勿食枸杞

謂其能壯陽也。實則壯陽而無動性。故用以佐熟地。

最妙其功聰耳明目。

杞菊丸等分煉蜜丸

益神魂添精髓強筋

骨補虛勞。止消渴。真陰虛而臍腹疼不止者。多用神效。○地骨皮卽枸杞根皮也。味甘辛微苦。性寒。走血分入肝腎三焦。胆經。退陰虛血熱。療有汗骨蒸。凡不因風寒而熱在陰分骨髓者。最宜此物。涼而不峻。可理虛勞。氣輕而平。故亦清肺。時珍曰。枸杞骨皮佐以青蒿。甘寒退大熱。不比芩連苦寒之傷胃也。

萹絲子

先以甜水洗淨浸脹次酒浸蒸熟拌糯捏餅曬乾炒

味甘辛氣溫性固

入肝脾腎補髓添精助陽起痿千金方菟絲餅五兩雄雞肝三具雀卵和

丸如小豆大温酒每下六十九日二次服媛腰膝冷疼壯氣力筋骨開胃

進食肥肌尤安寢寐局方茯苓丸治精滑淋濁及強

兩白茯苓石蓮肉三兩山藥六兩酒煮山藥糊為丸精滑淡鹽水下赤濁燈心湯下白濁白茯苓湯下強

中元參湯下消渴米飲下此方於補正氣中瀉腎邪也

覆盆子淘淨酒蒸味甘氣温入肝腎主腎傷精滑陽痿不

起小便頻數補虛積絕調氣温中安和五藏益腎強

陰補肝明目澤肌膚烏鬚髮亦療中風成驚古方五子衍宗

丸覆盆子菟絲子枸杞子五味子沙苑蒺藜子等分為末煉蜜丸余意加車前子減半強陰益精利水不

走氣亦爲仲景入
味丸用澤瀉之義

五味子 皮甘肉酸性平而斂核味辛苦性溫而緩

兼有鹹味故名五味入肺腎南治風寒咳嗽北主虛

損勞傷整者用其甘酸生津解渴止瀉除煩收耗散

之金滋不足之水斂虛汗解酒毒敵醉用其辛溫斂

氣強陰補虛明目固元陽千金方治陽痿不起爲末
溫酒調二錢日三服一月

見壯筋骨除喘滿五味子湯治喘而脈伏及
寒熱而厥昏胃無脈者肝旺不

酸助木克土衛生方治久嗽肺脹五味子二兩鶯粟
殼五錢傷炒爲末錫丸彈子大每水煎

一丸服又丹溪方治久嗽不已五味子一兩五
楮子風化硝四錢甘草三錢爲末蜜丸化

五加皮 味辛苦氣溫順氣化痰勝濕祛風堅筋健

步強志益精去婦女陰痒難當扶男子陽痿不舉小

便遺淋可止腰膝足痺能除五加皮二兩牛膝一兩酒浸木瓜一兩爲末米

飲入酒一茶匙調服二錢尤逐四肢因氣不遂祛肌

治小兒三四歲不能行者逐四肢因氣不遂祛肌

膚瘀血多年芬香五葉者佳按五加皮乃五車星之

精也才應五湖人應五德位應五方物應五車故青

精入莖有東方之液白氣入節有西方之津赤氣入

花有南方之光元精入根有北方之精黃烟入皮有

戊己之靈五神鎮生相轉育成餌之延年服者反嬰

千金方五月五採莖七月七採葉
九月九採根合爲末治五緩虛羸

葫蘆巴

味苦氣溫純陽本草云番國蘿蔔子也入

右腎煖丹田壯元陽敗脹滿腹脇中退青黃面頰上

向硫黃黑附子療腎藏虛冷佳

三味等分爲末煉蜜丸溫酒下

仁大茴香治膀胱疝氣效

三味等分麩炒爲末半以酒糊丸鹽湯下半以散末

飲調下丸散

相間早晚服長服補火滋水健脾和胃延年

桃仁也

鎖陽

炙酥

味甘鹹性溫入腎補精壯陽滋燥養筋療痿

弱潤大便因其固精故有鎖陽之名老人枯秘

煮粥

最爲要藥

鎖陽三錢附菴蓉三錢蘇子一錢丹麻五分水煎入蜜服

肉苳蓉 味甘鹹辛酸氣溫味重沉也陰也以其味重甘溫故壯元陽補精髓並絕陰不生煖腰膝堅筋骨除下焦冷疼以其補陰助陽故禁虛寒遺漏泄精止淋瀝帶濁崩中以其味酸性滑故驟服立通大便必齋酒蒸五錢性與鎖陽相近便滑溇瀉勿攪

骨碎補

去毛
蜜炙

味苦氣溫入腎破血有功止血甚驗主

折傷補精髓療耳鳴治周痺固牙齒去濕熱疼痛及腎虛久瀉

研末入猪腎
中煨熟食之

益腎主二便久利多屬腎虛

不專責脾胃也

六味丸料加骨碎
補治腎虛牙疼效

阿膠

味甘辛、氣平而厚、能升能降、陽中陰也、入肺

肝腎、其性溫和、故潤肺、療瘕痿、益氣、定喘嗽、其味甘辛、故除吐衄、淋痢、扶勞傷、羸瘦、其味甘、緩、故安胎、固

漏、下血酒煎服

理帶止崩、補肝血、滋腎水、利大小腸、並治

痰濁及逆上之痰也、

楊士瀛曰：小兒驚風後、瞳人不正、阿膠倍人參服最良、以阿膠

育神、人參益氣也。

仲景膠艾湯治胎動血漏、腹痛、

並月水不調、淋瀝不斷、阿膠、艾葉、川芎二錢、當歸生

地黃三錢、白芍四錢、水酒煎服、熱加黃芩、

適版膠

河水洗淨、搥碎入水、桑柴火熬成膏、

味甘、氣平、屬金與木、純陰

無陽、補心益腎、養陰資智、主骨蒸勞熱、腰脚痿軟、一

切陰虛血弱之證。

○版

酥炙或豬油炙

與膠功同而力微。

鹿角膠

寸斷河水浸刮桑柴火熬人醋少許再熬成膏取角搗霜

味甘鹹氣平純

陽無陰填精益氣大補陰中之陽手足腰腿肩臂骨

節疼痛酒化服立效頭旋眼黑遺濁崩帶大有殊功

敲碎炒珠安胎亦神入丸亦同此製。○霜與膠功同

而力微。○鹿茸甘溫純陽補命火壯元陽養血生精

壯骨強筋其力更峻於膠主一切虛勞危急之證相

火旺者並忌

醫餘曰一人有膝瘡赤腫而疼用黃柏久不愈加霜灰髮灰乳香之類則愈此

陰陽寒暑往來之理也

備要曰龜鹿皆靈而有壽龜首長藏向

腹能通任脉。故取以補心。補腎補血以養陰也。鹿鼻
長。反向尾。能通衝脉。故取以補命門。補精補氣以養
陽也。此物理之元微。神功之能事。觀其一主陰虛血
弱。一主陽虛氣弱之病。可悟矣。○龜版鹿角合熬去
粗。入人參熬成名龜鹿二仙膏。大益氣血。兼理陰陽。

丹砂

味甘微寒。色赤屬火。體陽性陰。

離中虛有陰也

鎮心

安神益氣明目。發汗定驚。祛風解毒。通血脈。除煩熱。
止消渴。療百病。多服久服。令人痴呆。煉熟大熱有毒。

丹砂安神丸黃連二錢參耑一兩歸身生地七錢五分
分遠志黑棗仁五錢琥珀犀角甘草三錢五分丹砂

三錢爲衣爲末竹葉麩心湯先浸米送下治一切神
短煇燥不安夜臥不寧驚悸怔忡恍惚健忘甚驗

磁石

色黑似鐵者真大則難碎諸石皆毒獨磁石冲和無毒氣

味辛鹹沉也色黑

屬水引肺入腎補精益氣通耳明目除煩祛熱療虛

羸周痺骨節痛治驚癩腫核吞針鐵

時珍曰千金磁辰丸仁云明目

而未發出微義磁石二兩鎮養腎陰使神水不外溢
辰砂二兩鎮養心血使邪火不上侵佐以炒熟神麩
一兩以飲其暴氣生神麩三兩以生發脾胃之氣
爲末煉蜜丸熟水送下乃黃婆媒合嬰姪之理也

玉竹

一名萎蕤

味甘氣平性溫陽中之陰潤肺補中主心

腹結氣腰脚冷疼止背爛雙眸逐風淫四末澤容顏
調氣血全體康健但性緩力微本草言用代人參若

遇虛危證，縱如斤許，曾何益於毫末哉。惟多用常用，所主風濕虛勞之緩證耳。

潤劑類

天門冬

去心酒蒸

味甘苦，氣寒，沉也，陰也。上達肺氣，清金

降火，益水之上源，下通少陰，滋腎潤燥，治肺痿肺癰。

吐血

痰爲正虛，素感風寒，咳嗽短氣，鼻塞胸脹，久而成痿，竊爲邪實，熱毒蘊結，咳嗽膿血，胸中隱疼。

治痿宜養血補氣，保肺清火，治癰宜瀉熱清痰，開提升散，痿重而難輕也。瘵虛勞內熱，定

喘除骨蒸，解煩渴，清痰嗽，並足下熱疼，及骨痿難行。

三才鳳髓丹，降心火，益腎水，潤而不燥，滋陰養血，治心火旺盛，腎精易於施泄。天冬二兩，熟地二兩，人參

一兩黃栢三兩砂仁一兩五錢炙甘草七錢五分爲末煉蜜丸肉苳蓉五錢酒浸煎湯送下

麥門冬

酒浸去心

味甘苦氣寒降也陽中陰也以其甘多

苦少故能清心潤肺肺中伏火非此不除補上焦津

液解胸膈煩渴止胃炎嘔吐

胃火上衝則嘔吐宜麥冬又有因虛因寒因痰

因食之不同隨證治之不可執一也

療手足痿躄

手足痿躄明濕熱上蒸於肺肺

熱葉焦發爲此證經云治痿獨取陽明

益精強陰澤

肌潤結肺接肺癆咳唾衄血經枯乳汁不行肺燥痰

嗽不絕

午前嗽多屬胃火宜芩連梔栢知母石膏午後嗽及日輕夜重多屬陰虛宜麥冬五味子

元參知母六味

降火清心消痰補怯金受火囚生脈須加人

參便滑瀉利胃寒二冬勿設

古方麥冬飲子治勞嗽
虛熱咳喘痰血麥冬三

錢五味子人參七分黃耆二錢
歸身白芍炙甘草一錢水煎服

款冬花

甘草湯浸

味甘辛性溫陽也入心肺主中風喉痺

治肺癰膿血腥臭療肺咳痰唾稠粘潤肺瀉火邪下

氣定喘促嗽久嗽

凡陰虛勞嗽用款冬花紫菀百合
沙參生地麥冬五味知柏苓芍如

內熱骨蒸加丹皮地骨皮青蒿皆宜如嗽而復瀉
為藏府俱病嗽而發熱不止為陰虛火炎皆難治

紫菀

蜜炙

味苦辛性溫入心肺主咳逆上氣喘嗽膿血

補虛調中消痰瀉熱開喉痺之惡涎療小兒之驚癇

散結下氣善利小便專治血痰為血勞聖藥

海藏紫菀湯治

肺傷氣極勞熱久嗽吐痰吐血肺癰肺痿紫菀二錢
阿膠知母貝母一錢人參雲苓甘草桔梗五分五味
子十二粒便瀉加蓮
子一錢一方有款冬

酸棗仁 味甘氣平性潤其肉味酸故名酸棗而入

肝其仁居中故主收斂而入心不眠炒用多眠生用
寧心志止虛汗解煩渴養血安神益肝補中收斂魂
魄祛心腹寒熱能安和五藏潤劑上品也按棗仁味
酸本入肝經而心則其所生者也脾則其所制者也
胆又其所依之府也並宜入之聖惠方云胆虛不眠
寒也炒熟爲末竹葉湯下蓋以肝胆相爲表裏血虛

則肝虛。肝虛則胆亦虛。得熟棗仁之酸溫以助肝氣。則木乘土位。又主困倦。所以令人多睡。又濟眾方云。胆實多眠熱也。生研爲末。薑湯調下。蓋以棗仁秋成者也。生則得兌金之全氣。而能制木。肝木有制則脾不受侮。而運行不睡矣。此皆自然之理也。歸脾湯用之

栝子仁

鮮者

味辛甘。性潤。氣香。透心腎而悅脾。養心氣。

潤腎燥。助脾滋肝。資智寧神。聰耳明目。益血止汗。除風濕。愈癆驚。通關竅。澤皮膚。潤劑上品也。訥菴曰。補脾藥多燥。此潤而香。能舒脾燥。脾藥中兼用最良。栝子

仁丸、柏子仁、二兩、人參、白朮、半夏、五味子、牡蠣粉、麻黃根、一兩、麥蘖、五錢、爲末、煮棗肉丸、米飲下、此養心寧神、補陽、欬汗之要藥也。

陰虛多汗、加熟地、黃桂、仲

大麻仁

卽作布之麻去皮用

味甘、氣平、性潤、入脾胃、大腸、緩脾

潤燥、療胃熱、汗多而便難

三者皆燥也、汗多則津枯、而便燥、仲景有麻仁丸、麻

仁、薤子、粥、酌量與服、破積血、通乳而利水、又木穀也、亦能治風

百合

白花入藥、紅花者不可用

味甘、淡、氣平、故益氣、補血、安心、定

魄、調中潤肺、逐驚悸、止涕淚、緩風濕、咳嗽、散乳癰、喉

痺、解蠱毒、潤大小便秘、仲景用治百合病

有百合、蓋地黃湯

借其平緩不峻、收失散之緩功耳、並治肺傷勞嗽喘

咳痰血

葦菴百合固金湯百合生地二錢熟地三錢
麥冬錢半元參當歸白芍貝母桔梗甘草一

錢此以甘寒培本不以
苦寒傷生發之氣也。

枳椇子

味甘氣平潤五藏解酒毒除煩渴趙以德

治酒毒房勞而病熱者於補氣血藥中加葛根反汗
出懈怠不禁葛根之散也得枳椇子加入即愈

牛乳

味甘微寒潤腸胃解熱毒主噎膈反胃按東

垣云上膈由氣治在和中降氣中膈由積治在行氣
消積下膈由寒治在溫中散寒氣血不足其本也痰
涎停滯其標也非胃枯則胃寒服香燥藥取快一時

破血散氣是速其死也。非汁牛乳飲主之。張氏隨宜加薑汁、藕汁、梨汁，各五汁安中飲。或酌加竹瀝、萊菔汁、蘆根汁、陳米酒，佐以理中湯。八味丸加減用之。無不愈者。此其大畧也。潤澤在乎一心。鄭真一治噤口痢，服牛乳卽瘥。可想其性味功用耳。此用牛乳十分，諸汁只二分。

竹瀝味甘氣平，療陰虛發熱，理中風禁身。小兒天吊驚搐，入口便定。婦人胎產悶暈，下噤卽甦。行義云：胎前不損子，產後不碍虛。却老痰，除誕飲，止驚悸，祛類瘤，痰在手足四末。非此不達。痰在皮裏膜外，有此

可毆。竹瀝連痰丸，酌用六君子湯合，痰痰丸爲末，以竹瀝三浸三晒，竹瀝打麪糊爲丸，每服二錢，竹

瀝入薑汁送下。前證皆驗。世人反以爲寒，疑置不用，殊不知竹之

有瀝，猶人之有血也。氣味甘平，經火煨出，何寒之有。

蜂蜜。七月勿食生蜜。味甘，性平，入脾肺經，益氣補中，

潤燥解毒，除心煩，通便秘，止瀉痢，悅顏色，潤藏府，和

百藥，却衆病。蜜酥等分，熔化一處，或湯或酒，日數調服，不拘時，治久病血枯，並潤燥止渴。

○蠟味淡滲，去陳積，主下痢。古方蠟置巴豆丸治一切寒滯宿食積滯瘧痢。

巴豆去心膜，油杏仁炒，各四十九粒，灸瘡固膜。蠟蓉爲末，熔蠟和丸，棗豆大，木下三五丸。

腹托裏解毒成

真心一加雄黃

寒劑類

元參

反藜
蘆

味甘苦鹹。甘能滋陰。苦能清火。因其味甘。

故降性亦緩。本草言惟鹹入腎經。不知其尤走肺藏。故退無根浮遊虛火。散周身經絡熱壅。逐頸項喉咽痺毒。歐男子傳尸骨蒸。解溫病漸熱。晚來及煩燥。懊憹發斑。療婦人產乳餘疾。並腸中血痲。蒸堅。補腎水。滋陰明目。祛勞嗽痰血渴煩。腎脈貫肝。兩循喉。璫系舌本。腎虛則真陰失守。孤陽飛越。此喉痺咽腫痰嗽吐衄之所由來也。骨蒸潮熱。亦本於此。元參壯水以制火。故並治之。元參。麥冬。生地。白芍。丹皮。大劑煎湯磨犀角汁對飲。治熱嗽痰血甚驗。

沙參

反藜蘆

味甘苦，氣薄，體輕，性微寒，除邪熱，專清肺。

兼益脾胃，滋養肝血，散遊風，瘰癧，消癰瘍，瘡腫，療胸痺，止煩驚，除疝疼，心腹疼，但性緩力微，難勝專任。易老曰：人參補五藏之陽，沙參補五藏之陰，特以其甘涼而和，補中益氣，故有是論。若言對待人參，相去天淵。沙參一兩，阿膠五錢，大劑煎飲，治虛勞久嗽，肺痿。

局方沙參五錢水煎治肺熱咳嗽。

苦參

反藜蘆

味苦，性寒，沉也，陰也，入胃大腸肝腎，主腸

風下血，及熱痢，利疼難當，療溫病狂亂，致心燥，結胸垂死。

酒煎一兩，能吐天行溫毒。

赤癩，眉脫，肢風，除濕有力。誦卷云：鄭真一

用苦參、茯苓、倍、胡麻、治大風、癩疥、屢有愈者。黃疸、食勞、失饑、過飽、所致。苦

龍胆草等分，爲末，牛胆汁和丸，如桐子大，漸服五、七、九、九、日、三、次，生大麥芽汁送下，甚驗。並一切

癩、癆、風、熱、斑、疹。皂角四兩，水揉搥汁，入苦參末二兩，和丸，溫水送下，錢餘，治通身風疹，癩

疹不可忍，卽近，醫處皆然者，亦多痰涎，夜不能臥，甚驗。

黃連川味苦大寒，味厚氣薄，諸涼藥皆潤，而此獨燥，

降中微升，陰中微陽，專瀉諸火。古方每黃連解毒湯火在上，米

酒炒，火在下，童便炒，火而喘者，薑汁炒，火而伏者，鹽

水炒，吳茱萸炒，止疼，陳壁土炒，止瀉，同大黃治溫病

邪熱，同枳實除宿食火脹，同花粉消痰熱，煩渴，同廣

木香治滯下瀉利腹疼同吳茱萸治肝熱吞吐酸水

黃連六兩吳茱萸黃一兩各左金丸清肝涼血和胃厚腸涼胆止驚癇

瀉心除痞滿散陰尸腫疼敗食積熱疔去惡瘡瀉腫

除濕熱鬱煩善消痔漏亦治火眼解烏附巴豆毒瀉

血氣痰食火若虛火犯之反從火化助熱但景諸瀉心湯用之

胡黃連 味苦性寒入肝胆心胃與黃連同功治濕

病疹瘡骨蒸勞嗽三消五痔五心煩熱火毒血痢同烏

梅伏龍州等分爲末茶清調服明耳目益顏色療胎蒸虛驚除五疳

蟲熱出加蘆薈同連數處少許糯米粥丸服

三

黃芩 味苦氣寒氣輕於味降而能升陰中微陽枯者入肺條者入大腸欲其上酒炒欲其下生用枯者清上焦之火消瘦利水定喘止咳解溫疫熱毒退往來寒熱清咽利膈尤祛肌表之熱故治赤眼斑疹鼠漏瘡瘍條者涼下焦之熱能除赤痢熱畜膀胱大腸秘結便血漏血胎因火動不安酌佐砂仁白朮腸因火滯爲疼可加黃連厚樸

仲景黃芩湯治太陽少陽合病下利

黃柏 味苦微辛大寒陰中微陽善降三焦之火但其性多沉專入足少陰本經爲足太陽厥陰之引經

也清胃火、嘔噦、蛇蟲、除伏火、骨蒸、煩渴、去腸風、熱痢、
下血、逐二便、邪火、結淋、上可解熱渴、口瘡、喉痺、癰瘍、
下可去足膝濕熱、疼痛、痿躄、黃柏、蒼朮、各二錢、妙總之

寒潤降火最速。本草言其制伏龍火、補腎強陰。然吾
謂龍火豈沉寒可制。水枯豈苦劣可補。陰虛水涸得
降愈亡。撲滅元陽。莫此為甚。水未枯而火盛者。用以
抽薪。則可。水既枯而發熱者。用以補陰。實難當局者
勿泥陳言。認為補劑。○瀉膀胱邪火。利小便熱結。降
下焦濕腫。治痢疾便血。但脾虛胃弱者。宜慎用之。脉

滑大有力、鹽水炒用、

知母

酒鹽水炒

味苦辛、氣寒、氣味俱薄、性沉而降、陰也、上

清肺金而瀉火、下潤腎燥而益氣、漏無根之浮火、退有汗之骨蒸、潤肺解渴、消痰止咳、治傷寒煩燥、療溫病大熱、利二便、清浮腫、按本草言其滋陰、又言滋化源者、正因苦寒滅火、以救腎水不致於涸耳、與黃柏畧同、非真補腎也、時珍曰、知母佐黃柏、有金水相生之義、但黃柏入血分、知母入氣分、各一兩、肉桂二錢、爲末、煉蜜丸、各滋腎丸治下焦積熱、小便不通、此東垣治王善夫方也、

梔子

味苦、性寒、味厚、氣浮、輕飄象肺、色赤入心、瀉

心肺邪熱，屈曲下行，而三焦之鬱火以解，則熱厥心
疼以平。吐衄痢血以息，及心煩懊憹不眠，五疸五淋
津枯口渴，目赤紫癍，炮鼓瘡瘍悉除。番皮除熱在肌
表，去皮却熱在心腹。仲景因氣浮而苦，極易動吐，合
淡豆豉用爲吐藥，以去上焦之滯痰。本經謂其治大
小腸及胃中熱，丹溪謂其解鬱熱行結氣，其性屈曲
下行，大能降火，從小便泄出。非利小便，乃清肺也。肺
清而化，膀胱爲津液之府，故小便
得以出也。余謂助以佐使，治各不同。加茵陳除濕熱，
疸黃加豆豉，除煩燥不眠，加厚朴枳實，除煩滿，加陳

皮生薑除嘔噎。加生薑汁除心胃久疼。加元胡索除疼。因血結。又止霍亂轉筋。去目赤癢痛。炒黑尤清肝胃之火。解鬱止血。服末治吐。吹鼻治衄。

連翹

去心

味苦辛。氣寒。氣味俱薄。輕清升浮。陽中有陰。

入手少陰。手足少陽。陽明。瀉心。經客熱。殊功。降脾胃濕熱。神效。去寸白。虻蟲。通月水。五淋。以其味苦。輕。故達肌表。散癘毒。斑疹。瘡家號爲聖藥。以其氣辛。散。故走經絡。通血凝。氣滯。結聚所不可無。河間雙解涼膈俱用之。

青黛

波斯者良。大則福青。

味甘苦。性寒。入肝脾。除鬱火。解熱毒。

散腫硬

同馬齒莧搗敷一切濕熱瘡

止血痢、療傷寒溫病發斑、面

黃鼻赤耳聾目直視治小兒疳瘡蟲瘦驚癇狂邪問

痰唇焦渴

青黛散治發願及兩腮腫硬青黛一錢甘草蒲公英二錢銀花五錢枯葵半個酒煎

白頭翁

近根有白茸得酒良

味苦性寒堅骨涼血入陽明血分

主火毒血痢

仲景白頭翁湯

溫瘧發狂癥瘕積聚療瘧吐衄

齒骨疼痛男子偏疝小兒禿癩

石蓮子

去殼

味苦性寒入心胃膀胱主噤口痢

濃煎石蓮湯磨

入沉香汁及濕熱滲入膀胱而為遺濁淋瀝清心除煩開

胃進食

按噤口痢由元氣虛脫大便頻數心氣與胃不接故也得石蓮以通心氣而胃氣自開矣

川楝子

漿水煮去核

味苦、氣寒、有小毒、入肝、舒筋、治藏毒

下血

炒末蜜丸、大米飲下

療腎消膏淋

同茴香炒等分爲末、温酒調下

尤導小

腸膀胱之熱、引心包相火下行、通利小便、爲疝氣主

藥

按疝氣初起、未有不因內虛外襲、留而不行、其病則實、然必先疏泄其氣、所謂通則不滯、不滯不疼矣、若

驟加補益、入腹攻心、變成危證、古人用五苓散、加楝子、橘核、茴香、少加木通、枳殼、立方之工、穩極矣、

治傷寒温病、熱厥、熱狂、心疼、腹疼、療瘍疥、殺三蟲、○

夷堅志曰、楝根白皮、濃煎入麝少許、治消渴、有蟲耗

其津液者、下其蟲而渴自止

合烏梅、生薑、使君子、或煎或丸服、諸蟲皆下

牛蒡子

酒

味苦、氣平、性寒、入十二經絡、主風濕癩疹

盈肌、退風、熱咽、喉不利、散癩、瘡、癬、諸腫之毒、利手足、腰、膝、凝滯之氣、潤肺、止咳、降氣、消痰、其性通散、溫酒調末、每服二錢、祛齒、牙、蟲、疼、消、面、目、浮、腫。

青蒿

味微苦、性微寒、氣清香、童便熬膏、退骨蒸、勞

嗽、治虛勞之聖藥也、世以茵陳蒿代之、大泥

與中息肉用青

蒿、石灰等分、淋汁熬膏、點之、甚效、

茵陳蒿

味苦、性寒、入脾胃、膀胱、利濕、清熱、專治疸

黃、佐用梔子、黃而濕、多腫、再加滲利、黃而燥、乾瀆、再

加涼潤、惟陰黃一證不治、

黃疸、發疸、酒疸、黃汗、疸、女勞、疸、亦有畜血發黃、不盡

脾胃濕熱、女勞疸、必屬腎虛、酌用四物、茜紫六味、知
柏、壯其水、四君培其氣、隨證加利、濕清熱藥、自效、

痰火濕熱瀉痢固宜、寒熱痰瘡發黃尤效、仲景茵陳蒿湯

山豆根

廣出者佳

味苦寒、瀉心火、以保肺金、面大腸之風、

熱亦清、主喉癰、喉風、眼痛、齒疼、熱咳喘滿、下痢腹疼、

療人馬之急黃、治蛇狗之咬傷、

桔梗甘草湯、如山豆根、元參、荆芥、穗、防風、

治咽喉齟齬、腫疼甚驗、

防己

車前草對蒸晒乾、以心花黃色爲佳、

味辛苦、氣寒、入十二經、尤善

腰以下至足、濕熱腫盛、療風濕、手脚攣疼、拘急、口眼

喎邪、止嗽清痰、利大小便、惟十二經真有濕熱壅閉、

及勝肌積熱下注脚氣誠爲要藥但臭味拂人妄用

令人減食木漢二種木主風漢主木爲不同

脚氣乃寒濕鬱

而爲熱治以防已爲主藥濕加蒼朮木瓜熱加苓朮
原加羌活藜蘆痰加竹瀝南星活血加四物大便秘
加桃仁紅花小便秘加牛膝澤瀉痔連脇加龍
胆寒連臂加桂枝靈仙沖心加檳榔不可驟補

石膏 味辛甘氣大寒氣味薄體沉重生用速煅用

緩降而能升陰中有陽以其寒散清肅故祛肺胃三

焦之火辛能清肺解肌最逐溫熱暑濕而除頭疼甘

能緩脾益氣極善生津止渴而却煩熱邪火盛不食

胃火盛多食皆其所長陽明熱牙疼太陰火痰喘尤

當速效

仲景有白虎湯。景岳玉女煎。滋少陽之水。瀉陽明之火。良方也。

香薷

味苦辛。香散氣輕。有微上微下之功。療霍亂

中脘絞疼。治傷暑小便澹難。清肺熱撥濁四陰。降胃

火鬱滯潛解。去口臭水腫。亦消除煩熱。麻黃爲冬月

發汗要藥。香薷爲夏天散暑良劑。

局方香薷飲。香薷白扁豆。厚朴。黃連。

等分。水煎治中暑熱盛。口渴。心煩。濕加茯苓。木瓜。虛加人參。白朮。陳皮。炙甘草。各十味。香薷飲。

栝蒌實

反烏頭。連皮子。搗用。單用子。誤也。味甘。氣寒。味厚。氣薄。性沉

降。陰也。降胸膈結滯痰涎。開脾胃熱鬱氣閉。解消渴

定喘脹。滑大便。療胸痺。

仲景有栝蒌薤白白酒湯。本草言其又能

補氣治虛勞、恐未必然。○天花粉、卽栝蒌根也。酸能生津、甘不傷胃、微苦微寒、降火清金、陰中陽也。大宜虛熱人、最涼心、肺渴熱、大降隔上熱痰、消癥腫、排膿、散跌撲瘀血、除狂熱雜疾。雜疾者、雜氣之疾也。卽所謂溫病也。去胃熱

黃疸潤枯燥、利水道、止小便數、尤滌胸中鬱熱垢膩、

爲消渴之聖藥、

古人治消渴多用之。小柴胡湯以天花粉易半夏。仲景治少陽證口渴者

馬兜鈴 味苦、性寒、陰中之陽、入肺經、主清肺、除咳、

痰氣喘、療血痔、久癭、按兜鈴主肺金、何以治痔癭、蓋

肺與大腸相表裏、肺移熱於大腸、故有此證、清其裏、

而表自清矣。

馬兜鈴散。治肺熱咳嗽痰血。兜鈴錢半。阿膠、元參、生地、麥冬、二錢、五味子、桔梗。

甘草一錢。

○根名青木香，下氣甚速，散氣最捷。

水煎服。

枇杷葉

去毛 蜜炙

味苦，性平，清金和胃，而下氣。氣下則火

降，痰消而熱咳，嘔逆煩渴之證悉平。

訶菴曰：一婦肺熱久嗽，身如火。

炙肌瘦成勞，用枇杷葉、款冬、紫菀、桑白皮、杏仁、木通等分，大黃減半，煉蜜丸，早晚嚼化，一九未終，割而愈。

金銀花

味甘，氣寒，白入肺，黃入脾，大益氣血，久服

輕身延年，補虛止渴，療水瀉腸澀血痢。

濃煎湯入蜜服。佐他藥。

用最良。

兼理風氣，除濕氣，尤主化毒，專治癰疽。

銀花五兩，甘草

一兩，酒煎，日三服，盡至大小，未成則散，拔毒功深，已

賜通利，則藥力到毒自消矣。

成則潰、回生力大、此有益無損之藥也、世多忽之、

蒲公英 味甘苦、性寒、入脾胃腎、擦牙、烏髭髮、通淋

稱妙品、潰堅腫、消結核、屢著奇功、解食毒、散滯氣、每

繫神效、

蒲公英五兩、同金銀花或藤、取汁入酒、日三服、盡治乳瘡、

按蒲公英花黃

屬土質脆、斷之有白津、

塗孤、尿利、

莖如葱管而細、四時常

花花罷飛絮、絮中有子、落處卽生、稟天地中和之性、

故善解毒、又名地芎者、以其消疔毒也、

白汁、點之、

龍胆草

甘草湯、浸晒乾、

味苦、性大寒、入肝胆膀胱胃、止瀉痢、

去腸中小蟲、却驚癩、益肝胆二氣、退胃中伏火、及溫

病發黃、際下焦濕熱、並酒疸黃腫、歐客忤疴氣、療癍

疸口瘡、酒浸輔佐柴胡、上治眼目赤疼、努肉必加醫

瘡通用、

局方龍胆瀉肝湯、龍胆、黃芩、梔子、生地、俱酒炒、木通、草前子、澤瀉、柴胡、當歸、甘草、等分、煎

服、利濕清熱瀉肝、龍胆爲末、以路車汁熱酒、煎服、諸方之準繩也、每調服一錢、治傷寒後盜汗、

夏枯草 味苦辛、性微寒、入肝經、主瘰癧、癭癧、療濕

痺脚腫、肝虛目珠夜疼、

夏枯草、香附、等分、甘草、減半、水煎服、兩眼冷淚

羞明、散血破癥、生肌鮮毒、按夏枯草、冬至生苗、三月

開花、正厥陰風木主令、其爲汗經之劑、無疑矣、丹溪

云、夏至卽枯者、蓋稟純陽之氣、得陰氣則枯也。

益母草

紫紅花者佳白花不堪入藥去老幹

味辛苦氣寒性滑利調婦

人經胎產諸證故有益母之名安生胎落死胎生新

血行瘀血消乳癰散熱毒除小兒疳痢

水煎五錢入蜜和服

男

婦下血癰疹作痒堪作浴湯且善下水又能消脹本

草又云能益精輕身按血有瘀滯則胎不安瘀去新

生胎自安矣故用其滑利之性則可求其補益之功

則未也益精輕身之說殆不足信惟其氣輕不甚消

耗故宜於胎產若虛寒者宜忌子名芩蔚益精明

日行氣消瘀療血脹血逆心煩頭疼但行中有補較

勝於草。益母草花子一斤、柔桑枝二斤、寸斷、漫火同煎濃汁、去粗、熬膏、溫酒和服、益血明目、潤皮膚、活筋脈、去癢、疼、癢、牽、男婦皆宜、並治紫白癜風。

牡丹皮 味辛苦、氣寒、味薄、氣輕、陰中陽也、入心腎

心包肝、瀉血中伏火、退無汗骨蒸、除產後滯血寒熱

祛腸胃畜血堅微、和血涼血、而生血、定神志、通月經

止吐衄、療瘡癩、治驚癇、搗皆因陰虛血熱、風火相搏、痰隨火湧所致、下

胎胞住疼、本草言其善補而實無補性、但氣味和緩

辛涼、善行血滯、滯去則瘀熱解、勞蒸退、雖行滯而不

峻也。心藏神、腎藏志、心腎不足、則神馳而志衰、仲景八味丸用丹皮定神志也。

桑白皮

蜜炙

味甘辛，氣寒，入肺，升中有降，陽中有陰，辛

瀉肺中伏火，甘故緩而不峻，止喘嗽，唾血，解煩渴，除

痰，又水出高源，清肺亦能利水。

古方瀉白散，桑白皮、地骨皮、甘草、粳米、木

煎服，此瀉肺諸方之準繩也。

○桑葉，甘寒，入陽明經，燥濕涼血，去

風明目。

帶露抄末，米飲下，止盜汗。經霜木煎，早洗眼，去風淚。

代茶治消渴。扶桑

葉黑芝、藤等分，為末，煉蜜丸，長服。

○桑枝，除風濕，潤

藏府，壯筋骨，明耳目。

桑枝煎，採桑條，桑蠶者，寸斷五兩，炒香，水煎，日三服，盡治手臂

攣疼，散荆氣，潤枯槁，去渴痒，孫叔微曰：尋愈。

代赭石

火煨醋淬

味苦辛寒，沉也，陰中陽也，入心包肝，養

血氣平血熱療小兒慢驚風

東瓜仁煎湯調蒲石末一錢服自愈與急驚實

熱不同若急驚風則

升降京屬證須辨之並吐衄崩帶產難胎動及心下

痞硬愛氣

仲景代赭旋覆湯取其重以鎮虛逆赤以養陰血也後人用治噎膈因痰氣阻塞故

羚羊角

磨汁

味苦鹹性寒入肝並入心肺療風寒熱在

肌膚溫毒伏在骨間驚夢狂越魂魄不安男女猝然

搐搦產婦敗血攻冲清心涼肝舒筋明目磨汁消怒

菀於上燒灰主食噎不通

本事羚羊角散治妊娠中風涎潮體仆口噤搗掣名

于桐羚羊角磨汁入當歸茯神黑棗仁薏仁一錢杏仁防風獨活川芎六分木香磨汁入甘草三分薑煎

犀角

磨汁

味苦辛氣寒氣味俱輕陽中陰也其性走散

而升色黑。功力在尖涼心清肝除胃中大熱。辟邪解毒祛風利痰。時珍曰。五藏六府皆稟氣於胃。風邪熱毒必先干之。飲食藥物必先入之。犀角之精華所聚直入胃中能解一切毒。療一切血。並治傷寒溫病發狂發斑發黃。驚悸癲癘。瘧去之證。故傷寒熱毒表閉而非汗不解者。磨尖換入發散藥中取汗。速如響應。今人止知犀角能解心胃熱。而不知其涼而升散尤速於升麻也。活人書治吐衄血。用犀角地黃湯。無犀角代以升麻。蓋亦有理。朱二允非之。殊不盡然。但升

麻純陽氣浮有升無降。犀能分水。腸中有陰。升而能降。代治大小便下血。則得矣。若吐衄。悉血隨氣升。涌出不止。如氣平。火不上炎者。亦可代。孕婦切忌之。

童便

味鹹。氣寒。沉也。陰也。鹹走血。寒涼血。故善清

諸血妄行。吐衄能止。陰火自退。定喘促。降痰氣。解煩渴。利大小便。要之非用童便也。實則用本人小便耳。

不然。內經何以謂之還原湯。綱目何以謂之輪回酒。乎。以自已之小便。治自已之病痛。入口下嚥。引火下降。甚速也。其如愚夫愚婦。執而不用。何哉。棟為私石。反失其性。

熱劑類

附子

反半夏括萎貝母白芩白朮中其毒者以犀生
角黃連甘草黑豆煮湯解之是其所畏者也

者味辛甘，醜者味辛鹹，性大熱，有大毒，陽中之陽，其

性浮中有沉走而不守，除表裏沉寒厥逆口噤。

仲景
有四

逆

湯且能引火歸原，制伏龍火。

仲景有白通加
人尿猪胆汁湯

善助參

者成功尤贊，地黃建效，無論表裏，但虛寒脈細無神

者皆當急用。

仲景有
附子湯

孕婦切忌之。○川烏頭，即春間

所採附子之嫩小者，主中風洗洗出汗。

烏頭掩子等
分鹽水煎服

前病氣內鬱寒
而外束寒者

○側子，即附子旁出小顆，其性輕揚。

主發散。爲風疹及四肢發散要藥。反惡性味相類。○
辨附子製法。稽之古人。有單用童便煮者。有用薑
汁鹽水煮者。有用黃連甘草湯煮者。有數味兼用製
之者。其中宜否。最要詳辨。夫附子之性熱而剛急。走
而不守。土人以鹽醃之。故其味鹹而性降。今人所以
用之者。正欲用其熱性。以固元陽。以補脾胃。以行參
耆地黃等功。若製以黃連。則何以助其回陽。若製以
鹽水。則更以助其降性。若製以童便。則非唯更助其
降。而脾胃大虛者。尿臭一入。極易動嘔。是藥味入口

則先受其害且令沉降尤速何以達脾唯薑汁一製
直中陰寒者用之最良若常用而欲得其補性者又
不必用此余意總不如用甘草酌附子之多少對用
煮極濃湯先浸三二日剝去皮臍切爲四塊再易甘
草濃湯浸三二日捻之軟透切爲薄片入鍋文火炒
至將乾口嚼尚有辣味是其度也若炒太乾則過熟
而無辣味其熱性全失而無用矣其所以必用甘草
者蓋以附子之性急得甘草而後緩附子之性毒得
甘草而後解附子之性走得甘草而後益心脾附子

之性散得甘草而後調榮衛。此無他。不過濟之以仁而成其勇耳。若急用則以麵裹而火炮者。亦可直中陰寒厥逆將危。緩不及待。則單用炮附。不必更用他法。夫天下之制毒者。莫如火。火之制毒者。以能革物之性。故以氣遇火。則失其氣。以味遇火。則失其味。剛者。草其剛。柔者。草其柔。如但煮之極熟。全失辣味。狀若蘿蔔之可食矣。尙何補益之有。今人祇知附子之畏。而不知過熟之無用也。

肉桂 味辛甘。性大熱。陽中之陽。氣味沉重。專補命

火引火歸原，桂爲木中王，故平肝，味甘故補脾生血。

凡木勝尅土而無大熱者，用之極良，與參附地黃同

用，最降虛火，治元陽虧乏，陰虛發熱。黃耆湯加桂肉

味加人參甘草是也，但善於動血墜胎，觀仲景治畜血證，桃仁

承氣湯用肉桂可知矣。○桂枝，味辛甘，氣輕，故能走

表，調和榮衛，故能發汗，又能止汗，四肢有寒疾，非此

不能達。仲景桂枝湯治冬月中風頭疼發熱汗

乾薑，味辛大熱，生用發汗，炮熟溫中調脾，通神明

去穢惡，凡脾寒而爲嘔吐者，鮮者煨熟用之，凡虛冷

而爲腹疼瀉泄者乾者炒黃色用之。仲景理中湯皆治之產後

虛熱者炒黃黑色用之。虛火盛而吐血痢血者炒黑

灰用之。按乾薑炒爲黑灰已將失其性矣。其亦可以

止血者。取血色屬火。黑色屬木之義。亦取薑灰性瀉

之義耳。若陰盛隔陽。火不歸原而上見血者。仍留性

爲妙。汗多者忌之。○丁香純陽泄肺溫胃療腎虛壯陽煖陰去胃冷脹嘔呃式

益智子鹽味辛氣溫入心腎主君相二火以補脾胃

之不足。治遺精崩漏瀉泄。小便餘瀝。同烏藥酒煮山藥丸各隨泉丸

開鬱散寒建中攝逆。合六君子湯按益智辛溫善逐脾胃

之寒邪而土得所勝則腎水無冷尅之虞矣

破故紙

鹽炒

味苦辛氣大熱性燥而降壯元陽煖水穀

治命火不足而精流帶濁脾腎虛冷而澆瀉滑痢以

其補陽故煖腰膝酸疼以其性降故能納氣定喘然

氣微宜避之

古方補骨暗丸益元氣壯筋骨治下元虛敗手足沉重夜多盜汗此恣慾所致

也破故紙四兩菟絲餅四兩胡桃仁一兩沉香一錢

五分爲末煉蜜丸如桐子大每服三十丸鹽水煎酒

按時令送下自夏至起冬至止唐張壽知廣州得方

於南菴詩云三年時節向邊隅人信方知藥力殊奪

得春光來在手青

○淫羊藿辛香甘溫入肝腎命門治絕陽不生絕陰不成

石硫黃

者良

者良味酸性大熱陽中之陽有毒

與大黃並

煉黃入猪大腸
頭內燻煮三時
取出曬乾爲末
蒸餅和丸名寒
搜丹補命門真
火大有功效

補命門真火桂附不如也性雖熱而能疎利大腸與

燥瀉者不同如元陽暴絕脾胃虛冷久患泄瀉寒澀

遺精滑者用之大有起死回生之功古謂熱劑兼

補此類是也古方玉真丸石硫黃二兩半夏石膏硝

仲景白通湯加人石一兩爲末薑汁糊丸治寒厥頭疼與

尿猪胆汁義同古方花蕊石散石硫黃五錢花

米酒味甘辛苦大冰凝海唯酒不凍陽中之陽過

則傷人少則養氣和血大有補益入口下嚥上至天

下至泉內藏府外皮毛無處不到能引諸涼藥至熱

所毆逐邪氣外散尤爲溫病聖藥易曰火就燥是也

燥劑類

白附子

新羅者佳泡用

味甘辛純陽大熱有毒入肝脾去頭

面遊風可作面脂主血痺心疼且行藥勢歐諸風冷

氣解中風失音磨醋擦身背汗斑尤去疥癬

用茄蒂如蓬然

藥按三日愈忌菜洗研末收陰囊濕痒並滅癩痕

牽正散治中風口眼喎斜

白附子白蘆薑酒炒全蝎炙等分溫酒調末服脾胃燥熱者忌之

蛇床子

味辛苦氣溫腎命三焦氣分之藥強陽益

陰補精散寒祛風燥濕主男子陽痿囊濕女子陰疼

濕痒

同吳茱萸煎湯薰洗或同白礬煎洗

子藏虛寒產門不開及腰酸

體痺帶下脫肛濕痒惡瘡一切風濕之證

吳茱萸

湯泡

味辛苦氣溫性燥氣味俱厚升少降多有

小毒雖入脾腎實肝家主藥胸膈停滯而爲嘔逆吞

酸

同白茯苓爲末煉蜜丸名吳仙丹吞酸爾心爲獨傳

腸胃陰寒而爲臍腹脹

疼及小腸膀胱寒疝寒疼少陰下利厥陰頭疼皆其

所長

仲景有吳茱萸湯

東垣曰濁陰不降厥氣上逆偏塞脹

滿非吳茱萸不可治也其性雖熱而能引熱下行

古方導氣

煨吳茱萸錢半小茴二錢木香三錢川棟子四錢

白根

枝煎服卽出○枝擦二便關格入口立通

並向東南方取之方獲實效。本草曰凡用樹根樹枝宜採向東南方者凡採根皮出土上者殺人。

肉豆蔻

麴包煨熟去油切片酒炒

味辛氣香理脾燥濕行氣調中

逐冷祛痰瀉腸止瀉治積冷腹內脹疼惡心吐沫療小兒胃寒吐瀉乳食不下因其固腸則元氣不走故

曰能健脾胃非真補益也性尤善於下降得中則和

平過用則洩氣耳

古方四神丸治元陽衰憊脾瀉腎瀉肉蔻二兩五味三兩故紙四兩

吳茱萸一兩準繩加木香五錢為末生薑四兩大棗百枚同煮以棗肉丸任下

白豆蔻 味辛氣溫味薄氣厚升也陽也流行三焦

溫煖脾胃、實肺家本藥。別有清爽之氣。散胸中冷滯。溫胃口、止疼、除嘔、逆反胃、祛宿食、脹膨、退目昏、紅筋、去白睛翳膜、消痰氣、解酒毒、欲其速效、嚼嚙甚良。草豆蔻 味辛、氣燥、升也、陽也、入脾胃、消痰食、除脹滿、祛寒濕、止霍亂、瀉痢、辟山嵐瘴氣、但其性燥急、不如白蔻有清爽之氣、而辛溫發散、又與草果相似、同砂仁溫中、佐常山截瘧、胃燥發熱、三蔻並忌。

蒼朮

茅山者佳
米泔浸炒

辛溫燥烈、氣味俱暴、可升、可降、陽也、

然性不純良、能溫散、故發汗、寬中、却心腹脹滿、散風

眩頭疼消痰癖氣結能燥濕故強脾勝濕止吐瀉消
腫 破足痿帶濁去水飲辟蠱 蒼朮一斤茯苓四兩
爲末以薑煮棗用肉
入脂麻汁 又能總解六鬱有燥熱者大忌
搗丸任下

瀉劑類

蓮子

福建
者佳

味甘瀉氣平益十二經脈氣血高精氣厚

腸胃除濕熱治脾瀉久痢白濁瘦遺血淋吐衄崩漏

蓮子茯苓等分入雄豬肚內煮 爛鴉丸蓮葉湯下治前證悉效 此脾之果也交水火

而構心腎安靜上下君相二火猶黃波媒合嬰兒妊
女之理也。蓮藕生甘寒涼血散瘀止渴除煩熱甘

溫益胃補心止瀉平怒。蓮鬚清心滋腎益血固精。
蓮葉色青中空形仰象震補脾胃而升陽散瘀血

而生新主一切血證洗腎裏風濕療夢遺世精奠

云連葉爲末酒調服三錢龍骨牡蠣不若也。治濁可
本丸蓮

鬚猪苓黃蓮二兩黃栢砂仁益智仁半夏茯苓一兩
甘草五錢爲末煉蜜丸蓮葉湯下此固本之中兼利
濕清熱解鬱調氣而除痰也。余丙子夏在毫一少
年張姓咳血遺精已經二年狼狽之甚診其脉沉細
而數用紅蓮花十八片蓮子蓮鬚蓮房蓮葉藕節俱
二錢水煎七服而吐遺止後用六味丸加蓮子芡實
子金櫻子蓮葉湯下服百

日康健如故因各愛蓮湯

芡實子

嬰兒多食能令
形體矮小慎之味甘氣平入脾腎經能健脾

此藥性寒
宜加熟地黃
為妙

養陰故治腰膝疼痛強志益精能補腎益髓故令延

壽耐老目明耳聰且收脫住瀉必氣清精但其性和

緩難收速功

芡實散芡實粉金銀花煎藥蒸熟研等分爲末冬湯夏水調下久服却病延年

木瓜

味酸清氣溫飲肺平肝理脾和胃化食止渴

氣脫能收氣滯能散調榮衛利筋骨去風濕治霍亂

轉筋脚氣瀉痢肩臂腰足無力之證

木瓜酒方治耳臂腰疼並風濕

痰氣手足腿膝麻木疼木瓜川續斷威靈仙狗脊鉤

防風三錢續地風金銀花歸身五錢紅花桂枝升麻

一錢煮黑紅谷酒四觔早晚服若腰以下疼木去升

麻加杜仲牛膝三錢此和榮衛利筋骨之要藥也

秦皮漬水碧色味苦氣寒色青性滑補肝胆而益腎

書紙不脫

以其平木，故治目疾驚癩，以其收瀉而寒，故治崩帶。

血痢。

仲景白頭翁湯用之，加阿膠三錢，炙甘草三錢，治產後痢虛甚者。

以其瀉而秘。

氣，故益精有子。時珍曰：天道貴畜，惟收瀉故能補。

川續斷。

酒浸。

川出者佳，味苦而瀉，氣微涼，入肝腎，他產

者味甘辛，苦少，瀉少不效，其味苦而重，故調血脈，續

筋骨，療跌撲折傷，消腫毒，生肌膚，理金瘡癰瘍，乳結

療癰珠功，腸風痔漏立效，其味瀉而收，故治腰疼，煖

子宮，止胎漏崩中，調血痢，縮小便，固夢遺精滑，佐以

人參、甘草、熟地、山藥之屬，其效尤捷。

訶菴曰：貫墮胎者，受孕一兩月。

川續斷酒浸晒乾二兩和仲權汁浸炒斷絲八兩山
藥六兩煮糊丸米飲送下大補腎氣托住胎元何豐
之有血熱者○沙苑蒺藜辛溫瀉肺氣而散肝氣苦
溫補腎治三經虛勞之證

又當別論

訶子

去核

味苦酸澇苦重酸輕性急善降陰也入肺肝

脾胃大腸生用清肺煨熟固腸消宿食去腹脹通津
液破結氣逐滯開胃驅風降痰因有收斂降火之功
故定喘止嗽下氣除滿若上焦元氣虛陷者煨熟少
用雖欲因下而苦降之性在所當避蓋能瀉腸又能
洩氣故也丹溪曰文只有六路爲真東垣訶子散治
久瀉久痢虛脫

前子煨乾薑炮罌粟殼蜜
炙等分橘紅減半調末服即訶藜勒

罌粟殼

泡去筋膜醋拌浸炒

味微甘性多濇入肺大腸久痢滑

泄必用須加甘補同煎久虛咳嗽劫藥欲用要當知

慎三元湯

治虛病久病久瀉滑脫不禁罌粟殼蜜炙三錢蓮子十枚元肉十枚小棗十枚竹葉三十片

燈心三十寸

水煎入蜜服

椿樗白皮

去粗蜜炙

苦燥濕寒勝熱瀉收斂椿入血分樗

入氣分去肺胃陳痰主濕熱為病久痢滑瀉遺精便

數腸風崩帶

合滑石為末粥丸米飲下治白帶效

大有斷下之功

時珍

深久痢年餘素乾飲好食魚鱗積毒在藏便與膿血雜下肛門冬甚諸藥不效用人參樗皮等分為末溫酒或米飲調下

○樗根白皮半觔搗汁入水少許用二錢數服尋愈

○小棗四兩蜜三柱香去棗量調蜜

數延露一宿早服治
大便秘下血年久者

五楮子

炒

味鹹酸其性瀉欬肺其氣寒降火生津化

痰止咳

黃昏咳嗽乃火浮肺中欬汗以自巳漱口水宜五楮五味微而脾之調末敷臍上效

療瀉痢五痔下血脫肛膿小濕爛子腸墜下色黑烏

鬚

醫學綱目云玉元珪虛而滑精諸藥不效後用五楮子一兩白茯苓二兩為末丸服遂愈詞菴曰凡

用秘瀉藥必能通而後能如此方茯苓倍於五楮一瀉一收是以能盡其妙也世罕知此

地榆 味苦酸澇性寒氣味俱薄陰中陽也入肝與

大腸雖理血病惟治下焦禁腸風下血塞痔瘻來紅

療月信不調並帶下崩中却疔熱瀉痢及積癥時行

綱目曰地榆三兩醋煎日三服盡治下血痢血不止並婦人漏下赤白帶下加鼠尾草三兩水煎如前法服治下血二十餘年者驗又曰地榆三錢炙甘草三錢砂仁一錢水煎治結血下血腹疼

赤石脂味甘溫酸澆性平色赤入心養血甘溫益

氣生肌而調中酸澆收濕止血而固下療久痢腸癖

仲景有桃花湯崩帶遺精瘰疔脫肛合伏龍肝白礬等分爲末煑之催生下

胞東垣曰固腸胃有收斂之能下胞衣無推蕩之峻

牡蠣蝦粉味鹹澆入腎澆收斂鹹軟堅同熟地山萸肉

固精秘氣同杜仲麻黃根治陰止汗柴胡爲引療脇

下硬疼茶牙爲引消頸下結核禁婁交淋瀝止精滑

崩帶

牡蠣粉而朱砂參一二兩煅豬肝為藥搗末和丸酒下二錢治婦女赤白帶下

龍骨

五色者佳

味甘性溫入心肝腎六腸收斂浮越之正

氣治驚癇風熱祛崩中帶下止腸風下血療瀉痢便滑斂虛汗縮小便皆濟以止脫之義○龍齒瀉涼鎮心安魂主驚癇瘧狂熱寶鑑所謂虎屬金定魄龍屬木安魂是也

仲景柴胡牡蠣龍骨湯治少陽病誤下胸滿煩驚譫語身重小便瀉

消劑類

縮砂仁

味辛溫氣香竄入肺脾胃大小腸膀胱腎

補肺益腎和胃醒脾行氣消食醒酒逐寒祛痰嗽逆

咳立止療霍亂大除惡心消脹滿安氣滯之胎

同枳殼取

却腹疼噉瘥寒之瀉

同乾薑五味服

治瀉痢嘔吐膈噎散咽

喉口齒浮熱欲其溫散薑汁炒研益智人參爲使入

脾胃白蔻檀香爲使入肺茯苓黃柏爲使入膀胱腎

赤石脂爲使入大小腸總之砂仁爲行散之藥故能

引入七經性溫而不傷於熱行氣而不傷於尅尤爲

大陰脾之要藥常嚼最效尊生書曰漫言水穀消融且化

骨硬銅鐵因收入消劑安胎散治跌墜損傷胎前所

仁炒熟去皮爲末溫酒調服二錢覺腹內胎動極熱

則安矣又方砂仁威靈仙砂仁醋煎服治諸骨硬

沉香味苦辛氣溫可升可降有陽有陰其性緩故

抑陰扶陽補助相火其氣香故通天徹地條達諸氣

談堊翁試驗方沉香五錢芫花三錢月季花頭二錢
剉碎入大鮑魚腹中就以魚腸封固水酒各半煮熟
食之即愈所用之魚須安糞水內遊死者方效
原文曰此家傳方治癩瘰未破者活人多矣行氣

不傷氣溫中不助火除心腹疼痛治禁口毒痢墜痰

涎平怒調翻胃嘔逆古方攝生飲治中風中痰中氣

入木香半夏南星錢半枳實細辛石菖蒲一
錢痰盛加金蠟二枚生薑木煎一方有蒼朮

廣木香火忌味苦辛微甘氣味俱厚降也陽中陰也行

肺肝脾氣滯如神去心腹脇氣疼甚捷和胃氣止嘔

瀉散逆氣除脹滿氣順癥癖自散氣調胎孕亦安佐黃連治暴痢固大腸本草言其性補或以滯去食進

而脾自健耳非真能補也

子和木香枳殼丸推蕩一切實積瀉痢食瘧咸宜木

香枳殼青皮陳皮枳實黃連黃柏三稜莪朮五錢香附大黃一兩牽牛二兩爲末芒硝木九並虛實服清火利氣破滯爲推堅峻品濕熱積聚去則二便調而三焦通泰矣蓋宿垢不淨清陽終不能升也

枳實枳殼

炒

時珍曰實殼上世未分至魏晉始分用

乃一物也小如指頂而實者爲實長成而空者爲殼枳實味苦酸微寒氣味俱厚陰中微陽性沉急於枳殼除脹滿消宿食削堅積化稠痰逐瘀血破滯氣療

結胸胸痺

仲景知實達白湯。冲膈痺結胸。其證心下痞堅。留氣結聚胸下。逆氣搶心。枳實五錢。

厚朴五錢。薤白一兩。肉桂一錢。栝蒌實一枚。連皮子。瓢搗爛。水煎。分二服。連進。熱加黃連。佐白木。

能健脾。佐大黃。能推蕩。但損真氣。虛者忌之。○下氣

瀉痰滑竅。有推墻倒壁之功。故心下痞。脾血積也。東

垣有枳實白木湯。若胸中痞。肺氣結也。活人有枳殼

桔梗湯。皆取其疏通快泄。破結散滯之義。○枳殼。其

氣畧薄。味亦稍輕。性亦稍緩。功亦相類。但枳實性重。

多主下行。心腹削堅。而枳殼氣輕。多主上行。胸膈破

氣。因其性緩。故用以東胎。虛者亦忌。○治胸中痞塞。

泄肺氣。凡刺疼皆宜用。破滯氣亦用。看何經分以引經藥導之。

青陳皮

皆橘子皮也

陳皮味苦、氣辛、氣實、痰滯必用、留白

味甘緩、去白味辛速、瀉脾胃濁痰、散心腹滯氣、飽逆服滿、噤除、嘔吐惡心皆效、解酒除煩、利水破積、通達

上下、統治百病、皆理脾燥濕之功、

丹溪曰：二陳湯能使大便潤而小便

良、豈獨治痰一節乎、

橘核治疝氣、橘葉散乳癰、

橘葉七片、青皮二錢、

石膏八錢、甘草節一錢、八分、栝葉實一枚、酒煎服、一方加蒲公英三錢、金銀花三錢、連翹二錢、川芎錢半、並治吹乳寒、
○青皮、卽橘之嫩小者、苦能去滯、辛能熱交錯者、

散氣、酸能入肝、又入三焦、胆消堅癖、除脇疼、肢惡瘧、散乳癰、解鬱怒、劫疝疏肝、破滯氣、寬胸消痰、肝虛者忌之、蓋有滯氣則破滯氣、無滯氣則損真氣也、

厚樸

壘炒

味苦辛、氣溫、氣味俱厚、可升可降、有陽有陰、

有小毒、治霍亂轉筋、消膨脹、下氣、止嘔逆、吐酸、除腹

疼瀉痢、能緩脾、善走氣、與蒼陳甘草同用、謂之平胃、

能除濕滿、與枳實大黃同用、謂之承氣、能瀉實滿、孕

婦忌之、

按服滿證治各不同、氣虛血虛、宜補、濕熱宜清、利痰食宜消、導寒鬱散寒、怒鬱行氣、養血

消痰、清補、貴得其宜、不可專用行散藥、亦不可築作脾虛腎虛治也、臨病宜致詳焉、

藿香葉

出廣

味辛甘氣溫氣味俱薄香甜不峻快脾順

氣開胃進食除口臭水腫止霍亂吐瀉

藿香五錢陳皮五錢黃土

煎服

理脾滯同烏沉等劑健脾土入六君同煎

桔梗

味苦辛氣微涼氣輕於味陽中陰也載藥上

浮有舟楫之名入心肺胸膈上焦載散藥清理風寒

頭目載寒藥冷利齒牙咽喉載肺藥解肺熱療癆瘵

唾膿咳嗽載痰藥消痰涎止喘嘔利膈寬胸引大黃

可使上升引青皮平肝止疼

仲景桔梗甘草湯治咽喉腫疼陰陽通用

檳榔

海南子佳今所用者皆大腹子

味辛澆微苦氣微溫味厚氣薄

降也。陰中陽也。攻堅去脹。逐水除痰。消食醒酒。溫中
快氣。療瘴癘。瘧痢。脚氣。冲心。

童便薑汁溫酒調
檳榔末二錢連服殺三

蟲。開停滯。止心疼。墜胸中至高之氣。至於下極。按本
草言治後重如奔馬。夫後重乃毒聚大腸而氣陷所
致。此物性降。氣必愈降。味瀉。毒必不散。恐非後重所
宜。本草又言洩氣極速。較枳殼青皮尤甚。而廣南之
人終年朝夕。啖啜似非洩氣極速者。兩說極言其效。
皆未盡其妙。蓋此物辛溫而燥。故能解毒利氣。逐脹
導滯。然其味瀉。故行中有留氣。薄故降中有升。雖洩

氣散毒而不傷氣故治後重長咳喘皆無妨也林玉露曰飽能使之饑饑能使之飽醉能使之醒醒能使之醉詳味斯言可得其性味矣○大腹皮大腹子皮也地碎黑豆湯洗辛瀉肺溫和脾下氣行水通大小腸治瘴瘧霍亂痞脹痰隔水腫脚氣氣虛者忌

烏藥 味苦辛性溫入胃腎諸冷能除九氣堪順止

翻胃消食積作脹縮小便逐氣衝致疼辟瘴癘時作解蠱毒卒中攻婦人凝滯血氣去小兒積聚蚘蟲又療癰疔疥癩猫犬病磨汁灌效嚴氏四磨湯烏藥沉香枳殼檳榔等分磨

汁煎服治七情氣逆虛加人參磨若
暴怒氣厥加枳實木香白酒磨服

香附

海南者佳

味苦辛性溫氣味俱厚陽中有陰氣中血

藥也童便炒下行醋炒理血滯酒炒散氣疼行氣開

結和血解鬱去皮膚搔痒消腹脇脹疼治經胎產諸

證號爲婦女聖藥若陰虛燥熱汗出血忘者忌

紺珠正氣

天香散香附四錢烏藥蘇葉陳皮一錢乾薑五分水
煎服平肝行氣則氣順血和而經自調疼自止矣

滑石

桂府者佳

味甘淡氣寒性滑降也陰也入膀胱大腸

利六府之滯結

六一散滑石六兩甘草一兩爲末服

分水道逐凝血行

津液利九竅實大腸清熱降火墮胎亦捷

鍊石丹治痧脹屢效

滑石三錢、琥珀三錢、陳石灰一兩爲末、木丸茶清送下、二錢、煩燥、青黛爲衣、心悶亂、丹砂爲衣。

猪苓

味淡而苦，氣平，降也。陽中陰也。入膀胱腎，通

淋消腫滿，除濕利小便。因其苦，故瀉滯；因其淡，故滑

竅。仲景有猪苓湯，利濕兼清熱，治疸黃便閉渴嘔。衍義云：行水之功居多。仲

五苓散用之。按五苓爲治水之總劑，訥菴謂曾世榮治驚風亦用五苓，蓋以茯苓安心神，猪澤導小木，木

利則火降，金得木而旺，木得桂而枯，抑木則風息，風火寧而驚自定，曾可謂善用五苓者矣。可知仲景製

一方，即可通百病。人特不善體會耳。

澤瀉

味苦淡，微鹹，氣寒，氣味頗厚，沉而降，陰中微

陽，入膀胱胆，滲水去濕，利小便，瀉伏火，收陰汗，引藥

下行經云除濕止渴聖藥通淋利水仙丹若濕熱壅

閉而目不明非本草久服昏目之說也

澤瀉三兩白木二兩木煎

分三服治心下有水久服澤瀉未有不與熟地山黃同用者古

人製方有補必有瀉此仲景八味丸用澤瀉之微義也後人處方多填塞補藥何益之有當局者悟之

木通 味苦氣寒沉也降也瀉小腸火鬱利膀胱熱

淋導痰濕嘔噦消腹疼壅塞

木通二兩木煎服通則不壅不疼矣利血

脉九竅通達上下以其利水故也小水利則心火降

故導赤散用之古謂消劑兼通此類是也

通靈散治血瘀繞臍

腹疼甚驗。木通五錢，
脂、赤芍、三錢，水煎服。

車前子 味苦氣寒入膀胱與肝祛風濕目赤翳膜

通尿管熱淋瀝疼

炒末米飲調服二錢並治水瀉皆效

利水除濕痺性

滑善催生涼血止吐衄強陰能益精○莖葉治淋瀝

癃閉並尿血衄痢

生搗汁頻服

更妙不走腎氣子葉性味

無異

古方三奇丸治目內障車前子、麥冬、熟地等分為末煉蜜丸服

燈草

味淡性寒入心小腸通陰竅利小水除癃閉

成淋消水濕作腫燒灰敷金瘡止血療小兒夜啼少

加冰片吹喉中治急喉痺再加珠子煨研其效更捷

鉢插乳香，少入油潤全無，確藏冰片，多加分兩不耗。

山查 味甘酸性消導，然其氣輕，故不耗真氣，解宿

食，化痰滯，去瘀血，尅肉積，除頰疔，祛膨脹，發痘疹，潤

腸胃，健脾土。保和丸山查三兩，神麴、麥芽、半夏、茯苓、一兩，陳皮、萊菔子、連翹、五錢，蜜丸。此內

傷氣未病者，但以平和之味消而化之，不必
攻補也。加白朮二兩，各大安丸，則兼補矣。

六神麴 味甘氣平，生發脾氣，熱飲暴氣，走脾胃二

經，助中焦土氣，逐痰消積，化滯調中，運化水谷，開胃

破癥，其氣腐，故除食熱，其性瀉，故止瀉痢，療婦人胎

動因滯，治小兒腹堅因積。化生丹神麴半生半炒，五
兩，香附三兩，陳香圓二兩。

卜子半生半炒三稜、莪木、橘紅、茯苓、澤瀉、一兩、山杏、青皮、五錢、為末、蜜丸、米飲下、治氣壅、血壅、食壅、水壅。

附造神麴法 白麵五觔、杏仁研炒五兩、赤小豆四兩、

煮熟搗爛外用蒼耳草、野蓼、青蒿、俱取自然汁、及河水

各一小碗、於六月六日、合一拌勻、乾濕得所、搗團以

繅葉裹之、懸風處、經年用、

使君子忌茶味甘、氣溫、健脾胃、除虛熱、殺藏蟲、治五疳

瀉痢、同蘆薈為末、米飲下白濁、瘡癬、渾身頭面陰囊、虛腫、蜜炙為末

米飲調服小兒尤宜、上證皆由脾胃虛弱、因而乳停食滯、濕熱痰塞而成、脾胃健則諸證悉平、

○消癥丸、治小兒病塊、腹大、面黃、肌瘦、漸成疳疾、使君子仁三錢、炒、木鼈子仁炒五錢、為末、水丸、龍眼

大鷄子一箇，破頂入藥。

○肥兒丸治小兒脾弱疳積。

一丸，封固，蒸熟食之。

○諸大證，使君子肉炒，芡實

粉、黃連、神麩、麥芽、青皮、五錢、陳皮、一兩、胡黃連、白茯苓

茶、蘆薈、三錢、木香、人參、二錢、五分、爲末、節丸、如芡實

大米飲化下，一丸、冬煎湯化下，加五穀蟲、山

查、枳實、各五錢、更妙瀉加建蓮子五錢、蜜丸。

萊菔子 味大辛、氣溫、氣味俱厚、可升可降、入脾肺

下氣消痰、食有推墻倒壁之功。搗汁攪薄荷汁服，立吐痰食，磨墨服，止血。

凡胃有氣、食痰飲停滯、致成膨脹者、非此不除。合兒角麩

去皮子、弦等分爲末、薑汁入、煉蜜丸、白水下、二錢治一切痰氣、生升氣、炒降氣、升則

散風寒、吐痰食、寬胸膈、降則定痰喘、止咳嗽、却內疼

除後重、皆利氣之功。○萊菔卽蘿菔也生搗汁調蜜服治

噤口痢。

重者用黑羶羊肝一頁以著數

止消渴全

跌傷湯火傷炒熟用寬中降氣化痰消痰治吐衄咳

喘吞酸利便制麵毒豆腐積服何首烏熟地忌之恐

白鬚髮以多食滲血故也。

古方滋補丸菜蕪汁熟汁梨汁人乳各一碗蒸成膏

入煉蜜一觔用小黑藥豆炒焦爲末同蜜膏相令得所每丸重一錢五分丹砂爲衣細嚼滾水送日三服

白芥子 味大辛氣溫調五藏消痰癖除脹滿平喘

急寬中利膈開結散滯辟除冷氣然味厚氣輕故開

導雖速而不甚耗氣能去脇肋皮膜之痰則他處可

知過煎則無力。

三子養親湯白芥子紫蘇子萊菔子合二陳湯更妙

旋覆花

即金沸草

味甘鹹性溫入肺肝大腸膀胱主結氣

風氣脇下氣膈上痰如膠漆下氣利大腸逐水濕丹

溪曰走散之藥虛者少服

金沸草散加杏仁五味子下氣降痰治諸咳嗽皆驗

前胡

味苦氣寒性降下痰氣如神開結滯亦速去

胸中喘滿消風熱霍亂除肝胆風痰解嬰兒熱疳

已卯

歲試南邑庠生宋知年四五十歲一子月子內得疳

熱已經二三歲骨蒸肌瘦危迫極矣余用前胡柴胡秦

芫青蒿黃芩梔子龍胆草胆星生地黃一錢人參甘

草五分生梨生藕二片一服熱退神清而愈快哉

半夏

反烏頭生嚼戟喉閉氣生薑製

味大辛氣溫能走能散可升可

降陽中陰也體滑性燥和胃健脾補肝潤腎發表開

鬱下逆氣止煩嘔發聲音利水道除痰涎脇疼嘔惡
氣結消痰核腫突脾濕瀉泄祛痰結頭疼眉棱骨疼
經云半夏和胃而通陰陽若嘔吐不止加薑汁微炒
卽孕婦服之亦無妨也

二陳湯加枇杷葉去毛
蜜炙三錢治孕婦惡阻古有

三禁血家汗家渴家然間有用之者

按局方半夏丸
半夏硫黃等分

薑汁糊丸服治老人虛秘取其潤滑也內經云胃不和則睡不安治之以半夏湯半夏二升秫米二升水煎服是果性燥者乎不知濕去則土燥痰涎不生非半夏之性燥也世徒以性燥而治濕痰則半夏之功
用不彰矣

川貝母

反烏頭

味辛氣寒氣味俱輕用須加倍解肝經

鬱怒散心中逆氣祛肺癰痰膿喘嗽降胸中因熱結
胸足生人面瘡燒灰油調頻敷產難胞不下研末用
酒和吞亦除痲疔喉痺亦止消渴煩熱赤眼翳膜堪
點脾鬱黃胆能毆但貝母治肺燥之痰嗽與半夏治
脾濕之痰嗽爲不同耳須辨之

胆星

九奎者佳

味苦性沉而平降痰涎因火動如神療急

驚有痰搐必用總之有實痰實火壅閉上焦而氣喘
煩燥焦渴脹滿者非此不除

右方金星散治大人小兒犯鹹哮喘者胆星一

錢紫蕊葉一錢甘草五分
水煎調雞肉金末七分服
○南星祛風散血勝濕除

痰下氣破癥攻積拔腫性更烈於半夏

鬱金

楚產蟬肚者佳

味辛苦性寒純陰之品入心肺主順氣

破血開鬱治尿血吐衄歐血氣作疼消血積歸經

下行上爲吐衄鬱金二錢和韭汁薑汁童便服血自下行有痰涎入竹瀝且善治蠱毒

麻煎服不吐則下矣其性輕揚上浮故散鬱遏有功入血分兼

人氣分行滯氣不損正氣破癥血亦生新血

白金炆治產後

敗血攻心癲狂失心者鬱金七兩白礬三兩爲末米粥丸服蓋鬱金入心散惡血白礬化頑痰故也

葶黃

廣產

性味與鬱金相似然較烈下氣最捷破血立

通調月信消瘰腫

升降散用爲佐

但稍損真氣用宜慎之

丹參

以藜蘆

味苦，性微寒，入心定神，破瘀除癥，消癥散

腫生肌排膿，治風邪留熱，眼赤狂悶，肢不遂，破宿血，生新血，落死胎，安生胎，理婦女經脈不調，血崩帶下，鄭真一日養神定志通利血脈，實有神驗。

一味丹參散，功同四物。

溫酒調末三錢治婦人經胎產諸證。

五靈脂

去砂

味甘，性溫，入心肝，主心腹冷氣疼痛，腸風

產後血暈，去疔疔。

疔熱有蟻壯服同，明黃連爲末，丸服。

散目翳，解蛇毒。

酒浸行血，醋炒止血，其功最捷。

失笑散散，痰結甚驗。

延胡索 味辛苦，氣溫，入肺脾，心包，肝，行血中氣滯。

氣中血滯、止腹疼、通經、調月、水淋閉、除跌撲、凝血、散
癥瘕、疝氣、一切因血作疼之證、悉治之、生用破血炒
用調血、酒炒行血、醋炒止血、但其力迅、墮胎、血枯勿
加、延胡索、當歸、肉桂等分、爲末、溫酒調服、三錢、治
肢體拘疼、並冷氣腰疼、皆氣血凝滯所致也、

紅花

酒炒

味甘、微苦、氣微寒、陰中微陽、唯入血脈、尤宜

女科、少則和血行經、多則破血通瘀、

瘀行則血活、熱結於中、吐紫黑

血者、吐出爲妙、吐未盡、加桃仁、紅花

以行之、大抵鮮血宜止、瘀血宜行也、能不死胎、亦療

血暈、達痘瘡、血熱難出、散斑疹、血滯不清、

金匱紅藍花酒云治

婦人三十

○子、能解消渴、與麥門冬

二種風

同煎更妙

澤蘭葉 味甘苦，性微溫，入小腸、通肝脾之血，治經胎產百病，通九竅，利關節，散頭風，目疼，瘰癧，吐血，鼻紅，消瘰癧，疥癬。按澤蘭葉通利小腸，則脾肝無壅滯之患，故透竅以理血脈，行血無推蕩之苦，養血無滯膩之虞。女科爲聖藥，有自來矣。瘰癧由血熱，故亦治之。

澤蘭葉湯治產後陰戶燥熱，成潮花，各日陰，潮先以澤蘭葉四兩煎湯，煎洗三次，再加枯礬五錢煎洗之，卽安。又治產後水腫，澤蘭葉防已等分爲末，酒醋調服二錢。

紫草茸 味甘鹹，氣寒，茸初得陽氣，和血涼血，利九

竅，通二便，治溫病邪熱。小青涼散用之。畜血黃疸，痘疹血熱。

惡瘡癩癬皆血分濕熱所致也

桃仁 味甘苦氣平陰中有陽入心包肝甘緩肝氣

而生新血苦瀉血滯而破瘀血生研用行血治血瘀

血閉血結通血隔破血癥逐血疼皮膚血熱燥痒畜

血發熱如狂仲景桃仁承氣湯悉治之炒研用和血治熱入血室

小柴胡湯加生地潤秘結大腸血枯不可妄用雙仁

丹皮紅花桃仁有毒難當尊生書曰桃仁不可去皮尖以皮紅取其入血尖取利氣而行瘀也花治

杏仁研炒味苦甘辛氣溫平味厚於氣降也陰中陽也

有小毒入肺胃大腸其味苦降故定氣逆氣喘上中

通大腸氣閉乾結其味辛。故瀉肺中滯氣逐隔上。

痰涎。佐以半夏生薑尤散。

小寒咳嗽。

仲景麻黃湯大青龍湯俱用之。

按桃仁杏仁俱治大便秘。但當以血氣分之。脉沉在

血分。桃仁陳皮治之。脉浮在氣分。杏仁陳皮治之。賁

門上主往來。魄門下主收閉。故言肺與大腸爲通道。

茜根 味鹹氣寒陰中陽血中要藥。

或云茜草茜茹一物也非

也。破瘀同。內經商茹合阜。則骨等分爲末。

雀卵爲丸。包魚湯下治婦女血枯甚驗。 味鹹故能

通經閉。氣寒故能止動。而惟能通。故能止。治勞傷吐

衄時來。除血虛崩漏不止。散跌撲血凝瘀聚。解畜血。

疸黃燥肝有胎須忌之

血閉一酒煎服

兩效血枯血熱血

動並建奇功

八珍湯加紫根五錢治脾虛而吐衄崩泄尿血便血者

雄黃

味辛性溫得正陽之氣搜肝強脾殺百毒治

驚癇痰涎暑濕瘡利化瘀血爲水散百節大風除勞

疔瘡疥破結滯殺蟲孕婦佩之生男姑存此說

解毒丸治

纏喉急痺雄黃一兩鬱金二錢巴豆七粒爲末麩糊丸津嚥三五丸如不能嚥先吹末喉中後白下

散劑類

白礬蠶

去絲酒炒

味辛鹹性平氣味俱薄升也陽中之陽

也三眠三起生於甲木成於丙火胎於午土纏得金

水之化，色白而不腐，喜燥惡濕，食桑葉而不飲，有大

便無小便，余因其不飲而用之，不飲之病，邪熱渴飲非正味之

飲也因其有大便而用治大便不通之病，火為無度亦

治之，蓋以天地清化之氣，滌疵癘旱潦之氣，於溫病

尤宜，可見溫病乃天地之雜氣為病，非四時風寒暑

濕燥火之六氣為病也。熱病即溫病，特以春夏分別言之耳，所以世人多誤以為

時知此者希矣。陶宏景曰：人家養蠶，時有公簿，皆

殲者，余因合簿皆殲之，蠶而用治合家皆病之疫。

李時珍曰：蠶病風，其色白，死而不腐，故曰殲。余因病風

之羣。而用治病風之人。古謂因其氣相感而以意治之者也。又曰散風痲項疼。風熱齒疼。咽喉痺疼。皮膚斑疹。風瘡丹毒。風痒一切風熱腫毒。觀此則殭蠶之升陽散火。祛風勝濕。清熱解毒可知。普濟方誇其善於治腹內之疼。余謂腹內之風熱火毒可知。聖惠方稱其長於去頭上之風。余謂大頭溫。蝦蟆溫。用升降散加味涼膈散。古消。以方有殭蠶蟬蛻也。張元素曰此物氣味俱薄。輕浮而升。陽中之陽。故能去皮膚諸風如蟲行。余謂升其清陽之氣而濁陰之

氣自降也。故止渴除煩並驗。○朱丹溪曰：此物屬火，兼木與土，老得金氣，疆而不化。上治咽喉，取其清化之氣，從治相火，散濁逆結滯之痰也。余謂春夏冬溫病，勢如火炎，土燥，焚木灼金。一得秋分之金氣，而炎熱自退。故蠶蠶爲溫病之聖藥。○時珍又曰：蠶屬火，喜燥祛風勝濕，主療溫病風濕之證。余謂若溫病而誤用麻黃、桂枝、羌活、獨活、細辛、白芷、蒼朮等味，辛溫發汗以散風濕，則煩燥益甚，而熱毒愈熾。此麻黃湯、桂枝湯、沖和湯、人參敗毒散治溫病之所以壞事也。

千年長夜萬古遺憾。世人何曾夢見。余經閱歷而悟此。

蟬蛻 味甘鹹性寒。土木餘氣所化。升也。陽中之陽也。夫蛻者退也。脫然無恙也。豈獨能療驚癇除失音。止夜啼發痘疹殺疳蟲。爲小兒要藥已哉。又豈獨退翳膜侵睛祛弩肉滿眵。爲眼科要藥已哉。吸風飲露而不食。有小便無大便。余謂人一日不再食則餓。七日不食則死。肺氣不下降。膀胱不氣化則死。腎虛膀胱不約則遺尿亦死。因其不食而用治不食之病。因

其有小便而用治小便不通之病。短赤淋遺亦治之。以意治病其義深。其理微。與蠶之食而不飲。有大便無小便。彼此相資。化育流行。天然配偶。此造物神功之妙。皆溫病之聖藥也。○宗奭曰。蟬性善脫。胎前禁用。余謂有病則病當之。內經云。有故無殞。亦無殞也。孕婦患溫病。余屢用之。每收奇功。未見動胎。此閱歷之言。不必致疑於禁用二字矣。○時珍曰。主治頭風眩暈。皮膚壯熱。斑疹作痒。余謂溫病有頭目眩暈者。有皮膚發熱斑疹雜出作痒者。總是熱毒攻衝。所以

用之大驗。○又曰：主治驚癇、狂亂、癎、癎、心悸。余謂風熱生驚，驚則癎、癎，心動去其風熱，則肝氣和，心神安。驚搐自定，矚惕自止，發狂奔叫自息矣。○又曰：主治頭風疼痛。又曰：去壯熱，治腸中幽幽作聲。余謂蟬乃清虛之品，處極高之上，與肺相似，肺熱移於大腸，肺熱去而大腸之熱自去，而聲亦無矣。頭疼目眩，風熱上攻，故並治之。○衛生方中有清膈散，治胃熱吐食，用蟬蛻、蜂蜜。余謂嘔噦吐食，皆胃熱也，故亦用蟬蛻、蜂蜜。古人有先得我心者，非余之杜撰也。

淡豆豉 味苦辛形腐類腎性寒瀉肺監理瘴氣專

治傷寒佐葱白散寒熱頭疼助梔子除煩燥樛膿足
終酒浸速普痢疾薤白同煎盜汗炒漬酒飲按豆豉
之入肺內經所云肺苦氣上逆急食苦以泄之之意
也毒丹臭霧山嵐瘴氣以及雜氣流行風寒暑濕皆
肺先受之喘吸燥悶亦肺氣有餘耳何弗治之耶○
附造豆豉法 黑豆水浸透淘蒸攤勻蒿覆候生黃
衣取晒簾淨水拌得所築甕中桑葉厚蓋泥封晒七
日取出再晒卽水拌入甕如前法七次再蒸收用

寒温條辯 卷六

卷六

石葛蒲

九節者佳
米汁浸蒸

味辛微苦性温入心肺膀胱主手

足濕痺可使屈伸開心氣洞達能出聲音通九竅明

耳目益智慧除健忘温心腹堅齒牙療惡瘡疥癬

上氣咳逆本草又言常服成仙此醫家誇張之說殆

不可信

菖蒲補心丸石菖蒲茯苓茯神遠志酸棗仁
栝子仁地骨皮熟黃精山藥枸杞子預知子

等分人參朱砂減半爲末練蜜丸如芡實子大每臂
一丸人參湯下治心氣不足精神恍惚語言錯妄忪

悸煩鬱健忘少睡憂喜慘悽夜多異夢
寐卽驚騰或發狂眩暴不知人等證

甘菊花 味甘性平可升可降陰中陽也入肺脾肝

腎以其味甘補陰血故歐頭風眩暈清腦第一收眼

淚翳膜明目無雙利一身血氣逐四肢遊風冬芽秋

花多得金亦之化○冬春採根夏秋採葉疔腫垂死

取汁頓服立活

甘菊丸治腎木枯竭肺肝侵傷五藏俱損腫人倒背者甘菊花四兩枸杞

子二兩五味子二兩肉蓯蓉一兩五錢巴戟天一兩五錢爲末鍊蜜丸服余謂加車前子七錢五分更妙

威靈仙

忌茶

辛泄氣鹹泄木氣溫屬木其性善走能宣

疎五藏通行十二經絡中風痛風頑痺癢瘕積聚膈

噎

靈仙一兩生薑一兩水煎去渣入砂糖一兩再煎數沸溫服

痰水瘡疾黃疸浮

腫大小便秘一切風濕痰氣之證性極快利積疴不

痊者服之有捷效然疏泄真氣虛人慎用

按頑痺由濕熱流於

肢節之間腫屬濕寒屬熱汗多屬風麻屬氣虛木屬濕痰死血十肢麻木亦是胃中有濕痰死血以脾主四肢故也痛風當分新久新疼屬寒宜辛溫久疼屬熱宜清涼河間所云暴病非熱久病非寒是也感靈仙傳曰一人手足不遂數十

年遇一人

令服感靈仙而愈

過前無力

味甘苦性微寒入十二經主肝風

相火療癰瘰驚癇胎風客忒熱壅痰喘中風失音煎湯

類
夜啼不眠舒筋活血頭眩目眩蓋風靜火自熄矣

荆芥穗 味辛氣散浮而升陽也其味辛散血中之

風故解肌表消頭目發痘疹通血脈療疼痒諸瘡去

皮毛諸風其性升故提血崩眩暈其氣散故行五藏

瀉血

華陀愈風散荆芥穗

醋炒燥爲末豆淋酒

媛腰疼且能發表千金曰一以去風

一以消血結後人加芍歸煎並驗

薄荷

蒸出者佳

味辛微苦升也陽也涼散透竅入肺肝清

六陽會首散一切毒風其氣辛香通竅發汗引諸藥

入榮衛開風涎透利關節下氣消脹

薄荷煎湯調服

小兒久疳天柱骨倒

○辛夷花

辛溫入肺胃助胃中清陽上升通於頭腦主九竅風熱之證

柴胡

南出者佳

味辛氣溫升也陽中之陰也辛者金之味

故平肝溫者春之氣故就之以入胆專主往來寒熱

肌表潮熱肝胆火炎胸脇疼結又主升散火鬱傷寒

邪熱溫瘧寒熱少陽頭疼肝風鬱結尤善理熱入血
室月經不調雖引清氣上升中氣虛寒宜避

仲景有
小柴胡

湯大柴胡湯柴胡芒
硝湯酌定前證皆驗

川芎 味大辛氣溫升也陽也專入胆並入心包肝

氣中血藥也助清陽而開諸鬱四物湯用以宣血氣
之滯耳行氣和血而通陰陽散風寒頭疼破瘀血經
閉解氣結逐腹疼補肝虛脇風排癥膿消腫同艾葉
服驗胎孕有無合細辛煎治金瘡作疼然升散太過
故風寒頭疼極宜若三陽火壅於上而頭疼者得升

反甚。今人不明升降。一槩用之。誤矣。多服久服。致暴亡。極言其辛散太甚也。

天麻

煨熟酒炒

味辛氣平。入肝。療風熱眩暈。治驚悸癩瘕。

祛風濕痺。不仁。主癱瘓。語言不遂。和血脈。疏痰氣。強筋骨。利九竅。內經曰。諸風眩掉。皆屬肝木。是也。易

老曰。頭旋眼黑。非天麻不能定是也。

古方天麻丸。天麻川芎等分爲

末。燥蜜丸。茶酒任下。主消氣散痰。清利頭目。寬胸快膈。治心忪煩悶。頭暈欲倒。項急肩背拘攣。神昏多睡。肢節煩疼。皮膚瘙癢。偏正頭疼。鼻鼾。面目浮腫。並駢。○河間曰。中風非外來之風。良由將息失宜。心火暴甚。腎水衰敗。不能制之。故猝倒無知也。莫如地黃飲子。補水火。和藏府。養氣血。通經絡。其證自愈。熟地四

錢肉桂附子茯苓巴戟山萸茯苓遠志石薺石膏蒲
麥冬五桂子一錢薄荷七分水煎服亦可鍊蜜丸服
此口噤身冷四肢不收之良劑也古人云
治風先活血血活風自滅非此之謂乎

秦艽 味辛苦散風勝濕去腸胃之熱益肝胆之氣

養血榮筋主風寒濕痺周身攣拘虛勞骨蒸和血便

利去下牙疼直指秦艽扶羸湯治肺痿骨蒸勞嗽聲
啞體倦自汗秦艽龜甲當歸地骨皮錢

半柴胡二錢半夏紫苑人參甘草一錢生薑
一錢二分棗二枚水煎此肺勞蒸嗽之劑也

升麻 味苦辛氣味俱薄浮而升陽也入肺脾胃大

腸升清陽之氣於濁陰之下提胃氣之下陷舉大腸

之滑脫散皮膚肌熱斑疹解腹內下痢後重引石膏

毆齒牙熱腫。使葱白。除陽明頭疼。內經曰。地氣上爲

雲。天氣下爲雨。天地不交。則萬物不通也。升麻葛根湯升麻葛

根白芍二錢甘草一錢葱白水煎服此發仲陽治陽明傷寒發熱頭疼無汗升發表邪之劑也

葛根 味甘寒。氣輕浮而升。陽中微陰。以其涼散。故

雖達諸陽而陽明爲最。以其涼甘。故雖主發表而瀉

熱獨良。仲景有葛根湯發痘疹解肌祛酒毒熱痢根黃連黃

芩 湯古謂散劑發汗。此類是也。

白芷 味辛。氣溫。味薄。氣浮。升也。陽也。以其溫散祛

毒。故逐陽明寒邪以止頭疼。去肺經風熱以發斑疹

以其辛香達表。故消癰瘍排膿。止痒定疼。托腸痔久瘻。生肌長肉。炒黑提婦人漏下赤白。血閉陰腫。欲去

面斑仍須生用。

爲末煉蜜丸。彈子大煎荆芥湯。點臘茶嚼下。治諸風頭疼。

羌活

味微苦。氣辛。微溫。氣味俱輕。升也。陽也。以其

溫散定疼。雖入諸經。而太陽爲最。散肌表之邪熱。利

周身之疼痛。逐新久之風濕。排太陽之癰疽。氣雄力

健。大有撥亂反正之功。虛者禁用。

羌活勝濕湯。治濕氣在表。頭腰疼。且

重者。羌活獨活錢參。蒿本。川芎。蔓荊子。防風。甘草。八分。寒濕如炮。附子。防己。六分。水煎溫服。

獨活

味苦。氣香。性降微涼。入腎與膀胱。理下焦風

濕除兩足疼痺、因風濕而頭眩齒疼、亦以此降之。文

博方、生地二兩、獨活

二錢、治牙疼甚驗

細辛者佳、味大辛、氣溫、氣味俱厚、升也、陽也、有小毒

入肝腎、散陰分寒邪、逐本經頭疼、仲景有麻黃附子細辛湯、辛散

利竅、除諸風濕痺、驅風淚、眼疼、口臭、牙疼、煎含、多服

大散真氣、按此物辛甚、故能大散陰分之寒邪、陰分

且然、陽分可知、亦豈有辛甚而不入陽分者、但陽證

忌熱、當慎用耳、○蔓荊子辛苦、入肝胃、通利九竅、主治面風熱之證

防風、味甘辛、微溫、氣平、升也、陽也、雖脾胃勝、眊經

寒溫條辨卷六

七

藥然隨諸藥各經皆至爲風藥卒徒發脾中伏火於土中瀉木氣味俱輕故散風邪治周身之疼痺性能勝濕故去濕熱除偏體之濕瘡雖云風藥中潤劑亦能散上焦元氣。瀉黃散防風一兩甘草五錢梔子二錢五分石膏藿香二錢爲末炒香蜜酒調服三錢發脾胃鬱火治口爛唇焦甚驗

汗劑類

麻黃 味辛氣溫氣味俱薄輕清而浮升也陽也入心與大腸膀胱實肺家專藥發汗解表治冬月正傷寒果勝瀉衛實去榮寒利血脉通九竅開毛孔除身

熱頭疼、療咳逆氣喘、春夏濕病最忌、秋燥瘧疾切減、
或醋泡、或蜜炙、陳久者良。○根、止汗固虛。○按麻黃
專主冬月傷寒發汗解表、春夏秋不可妄用、卽傷寒
六脉不浮緊者、亦不可輕投、蓋汗乃心之液、若不可
汗而汗、與可汗而過汗、則心血爲之動矣、或至亡陽
或至口鼻目出血而成大患、丹溪以麻黃人參同用、
亦攻補兼施法也、當局者宜悟。仲景有麻黃湯
又麻黃升麻湯
紫蘇葉 味辛入氣分、色紫入血分、以其辛香氣烈、
故發汗解肌祛風寒甚捷、開胃益脾、療脹滿亦佳、和

血下氣寬中消痰止疼安胎去風定喘利腸宜加口

臭能辟嚴氏紫蘇飲子治子懸紫蘇葉錢半大腹皮三錢當歸川芎白芍陳皮人參甘草一錢青

慈五葉木煎服○子降滯氣消痰喘潤大便秘性緩而和

順氣安胎虛人最宜局方有蘇子降氣湯氣降則痰行蘇子前胡橘紅半夏厚樸二

錢當歸甘草一錢沉香五分虛極加五味

蒼耳子去刺酒蒸味甘苦氣溫善發汗散風濕通腦頂行

足膝達皮毛治頭疼目暗鼻淵肢攣乳癰瘰癧瘙痒

之證蒼耳散治鼻淵蒼耳子二錢薄荷四錢辛夷四錢白芷八錢為末任調下內經云中氣不足九

竅為之不利治以補中為斗門方云一婦人血風主專用行散藥恐不可救○攻腦頭旋悶絕倒地不

省人等用喝起草爲末，溫酒調服，錢託其功甚捷。此物善通頂門，連瀉益卽蒼耳也。

水萍

紫背者佳青
色者不堪用

辛散輕浮，入肺達皮毛，通脉利竅。

其發汗甚於麻黃，止消渴。

湯汁服

浴癢疥者

又能下水

氣利小便，治一切風濕癰瘕。

爲末，煉蜜丸酒服，治三十六種風。

高供

俸探萍歌云：不在山，不在岸，採我之時七月半。選甚癰風與緩風，些小微風都不弄。豆淋酒下三五丸，鐵撲頭兒也出汗。

下劑類

大黃

川產者良

味辛，氣大寒，氣味俱厚，陰中之陰，降也。推

陳致新走而不守，酒浸上下通行，清藏府蓄熱，奪土

鬱壅滯，逐堅癖，滌痰食，導瘀血，療吐衄。仲景有大黃黃連瀉心湯

通月閉，消癰腫，因其峻烈，威風號為將軍，故積聚能

蕩之。頃刻水瀆，便飲生瀉，心下痞氣。仲景瀉心湯類入湯煎

服熱，除腸胃熱，痰。仲景承氣湯類氣虛同人參，名黃龍湯。承

湯加人參減膏血同四物，各玉燭散。四物湯合調佐

甘草桔梗，可緩其行。佐枳椇芒硝，益助其銳，多寡量

人虛實，誤用與鳩為類。按陽藥用氣陰藥用味，大黃

為心下痞，恐味厚傷中氣也，煎熱無力之說，續論錯

悟，一唱百和之失，誰其辨之，或問心氣不足而吐

燥何不補心而反瀉心丹煖曰少陰不足元陽無輔
致陰血妄行故以大黃瀉其亢甚之火又心本不足
肺肝各受火邪而病作故以黃芩救肺黃連救肝肺
者陰之主肝者心之母血之舍也肺肝火退則血歸
經而自安矣李士材所謂濁陰不降則清陽不升瘀
血不去則新血不生是也古人指義入神豈後人所
能及乎○本草瀝日治實火之血順氣為先氣降血
自歸經治虛火之血養正為先氣壯自能攝血此虛
實所由分而治法之不○千金方治婦人嫁痛即陰
同也隔腫者宜詳之○戶腫痛也大黃一兩酒三
煎服

芒硝 味辛苦鹹氣大寒降也陰中之陰也有毒性

峻速柔金化石鹹能軟堅推逐陳積去藏府壅滯破
瘀血癥瘕治傷寒溫病瘧疾脈閉熱積譫妄凡屬各

經實邪，悉可瀉除。內經曰：熱淫於內，治以鹹寒。芒硝

佐之以苦。大黃是也。二味合枳實厚樸，即大承氣湯。合甘草，即調胃承氣湯。孕婦忌。

之。然有故無殞，亦無殞也。

巴豆，不去心，作嘔，不去膜，傷胃，燒存性，去油為霜。中其毒者，以大黃黃連，或黑豆、甘草，或涼水解之。

皆其所畏者也。味辛熱，有大毒，可升可降，能行能止，生猛熟

緩峻，用大可却病，緩用亦可和中，通經墜胎，主開竅。

宜滯，去藏府陳寒，為斬關奪門之將，破痰食，癥癖血

瘕聚積，生冷硬物，治癩癩瀉痢，口喎眼斜，耳聾喉痺。

但屬峻劑，不可輕投。按大黃、巴豆同為峻下之劑。

但大黃性寒，府病多熱者宜之。巴豆性熱，藏病多寒者宜之。故仲景治傷寒傳裏用大黃，東垣治五積屬藏用巴豆，各有所宜也。

甘遂

反甘草
通裏蠱

味苦，氣寒，有小毒，瀉腎及隧道，水濕直

達水氣所結之處，以攻決爲用，爲下水之聖藥。主十

二經水，凡大腹水腫，邪熱結胸，留飲宿食，痰迷癩

之證。

仲景大陷
胸湯治之

孕婦切忌。丹溪曰：治水腫，健脾爲

主，脾實氣運則水自行。以四君子湯視所按證加減

之，不可徒恃利水藥。

仲景方治婦女血結，小腹硬如
鼓狀，小便微難不渴，此爲水與

血俱結在血室也。甘遂一兩，阿膠一兩，大黃二兩，水碗半，煮半碗，頓服，其血當下。

紫大戟

反甘草，抗產，麩裏煨。

味苦，性寒，有小毒，入十二經，主水

腫，蠱毒癰結，腹滿腹疼，利小便，通月經。○苗名澤漆。

退皮膚邪熱，却面目浮腫，大腹水氣，立遣，孕婦並忌。

芫花

反甘草，醋煮。

味苦辛，氣溫，有小毒，去水飲痰癖，散皮

膚五藏水腫，消胸膈痰沫，善唾，咳逆上氣，能除咽腫。

短氣可

歐仲景十棗湯芫花大戟甘遂等分爲末，十棗湯調服一錢，經云：潔淨府去陳莖府也。

葶藶子

糯米泔炒，再酒浸。

味辛，氣大寒，屬火，性急，大能下氣。

行癆，洗水肺中有水氣奔急者，非此不除，所謂大黃。

瀉血分。葶藶瀉氣分是也。

仲景葶藶大棗湯治肺湯治肺氣喘急不得卧葶藶爲

末用大棗十枚煎湯調服一錢輔以

大棗補土所以制水與十棗湯義同

牽牛子

白屬金黑屬水炒取頭末

味辛性氣有小毒達右腎走精

隧入肺與大小腸主下氣通二便祛壅滯氣急退水

種消風毒療膀胱疼痛有孕婦忌殺寸白蟲

肉湯調末二錢

按牽牛自宋以後劉河間張子和始倡爲通利下藥

漢以前未入本草此仲景所以無用法也如順氣丸

治一切積氣宿食不消黑牽牛

頭末四兩

蘿蔔劍空安末

於內蓋定蒸熟入白薤末二錢搗丸白湯送下錢許

古方牛膝散牽牛末一兩槌末五錢紫蘇葉湯調服二錢治氣築奔衝疼不可忍並能追蟲取積煉蜜丸陳皮生薑湯送下治五積神效再輔以補脾之劑時珍曰子芻素多酒色二便不通脹疼呻吟七晝夜通利之不效子思此濕熱之邪在精道壅滯路病在二陰之間前阻小便後阻大便不在膀胱大腸經也用川楝子大茴香穿山甲一錢牽牛子二錢水煎一服減三服平亦可丸服

攻劑類

穿山甲

土炒或由煎色宜黃

味甘鹹微寒有小毒入肝胃以其

穴山窩水故能出入陰陽貫穿經絡直達榮衛至於病所以破邪結治風濕冷痺通經下乳消癥排膿和傷發豆蔻血積攻痰癥瘕家瘧家須爲上劑又治痔

漏蟻癢

山甲燒存性，敷之立愈。

去皮風

復元和血湯治跌墜損傷，停滯癢血痛，至不

敢喘咳唾者，穿山甲、當歸、桃仁、紅花、茜根、天花粉、香附、甘草，一錢、柴胡二錢、川大黃三錢，酒煎連進，效。

鼈甲

忌馬齒莧，酥炙醋炙。

味鹹，性屬金，與土色青入肝，並入肺。

脾主骨蒸勞嗽，化積聚癥瘕，除息肉陰蝕痔疽血瘕。

且愈腸癰消腫，並治溫瘧寒熱及婦人五色漏下，催

生墜胎。時珍曰：介蟲陰類，故皆補陰。

謙甫鼈甲、秦芫、酸鼈甲、歸身、柴

胡地骨皮二錢、牡丹皮知母、秦芫、元參、青蒿一錢、烏梅一枚，汗多加黃耆，此勞嗽骨蒸退熱斂汗之劑也。

乾漆

炒令烟盡。

味辛鹹，氣溫入胃，大小腸，追積殺三蟲，破

中安五藏，療男子風寒濕痺，時作痒疾，治婦人癥瘕。

堅結和脉通經、痞積腰疼可驅、血風心疼能除、丹溪
曰漆性急而飛補用之中節、瘀去新生入所不知也。
指南萬應丸治月經瘀閉、繞臍疝氣疼、徹及產後血
氣不調、痞積癥瘕、乾漆炒透、牛膝酒浸等分爲末、生
地黃取汁熬膏入藥和丸、如桐子大、初
服三九、漸加至七九、溫酒或米飲下。

京三稜 味苦辛、入脾肺、主行氣行血、多年癥癖如

石能化爲水、爲血中氣藥、蓋氣隨血行、氣聚則不流、
故生癥癖之患、非此不能治也、然有斬關之勢、欲先
入血醋炒、欲先入氣火炮、與莪朮同、虛人並忌之。

莪朮 味苦辛、性溫、開胃進食、療心腹疼、行瘀血、破

積聚利月水除奔疝定霍亂下小兒食積性亦猛厲

大能開氣不能益氣耳古方三稜莪朮散治渾身癢

如片如指甲蓋大其泡復生抽盡肌肉即不可治三稜醋炒莪朮醋炒等分爲末每服一兩口三夜一溫酒調連進以愈爲度

一方加穿山甲減半

青礞石礞石礞石等分打碎拌勻味甘鹹有小毒體

重沉墜色青入肝並入肺大腸胃主蕩滌宿食消磨

陳積平肝下氣爲治驚利痰之聖藥王隱若痰癩丸千古良方也

錫邑監生劉倣執年近六旬因驚氣衰痰致怪病百出百藥不效七年不能起於床自分必死丁亥秋余

診之脈沉滑枯瘦而聲宏令服滾痰丸錢半竹瀝入薑汁送下大便下惡物傾盆兩服而足能行病如掃

快
哉

按攻積諸藥如萊菔子麥芽攻麴積六神麴穀芽攻
米積山查阿魏攻肉積陳皮蘇葉攻魚鱗積枳椇子
攻酒積當門子攻酒果積甘遂大戟攻水積雄黃膩
粉攻涎積礞石蛤粉攻痰積木香檳榔枳殼攻氣積
肉桂乾漆桃仁攻血積三棱莪朮穿山甲雞內金攻
癥瘕巴豆攻冷積大黃芒硝攻熱積認證施藥各從
其類也。又按內經云諸疼爲實此實字要參酌不
必虛實之實爲實也凡有痰水寒熱酒食氣血之實

邪皆可言實內經又曰疼隨利減則滌痰逐水瀉熱
祛寒解酒消食破氣攻血皆可言利邪氣去正氣復
何虛之有若真虛疼而無實邪獨參湯可矣有寒加
附子有熱加黃連大便不通加酒炒大黃總當斟酌
輕重隨證攻補自得之矣

吐劑類

瓜蒂 味苦有毒入口卽吐實熱痰涎多用之類編
曰一女子病胸膈不止遇一人令取瓜蒂七枚爲末
調服其汁吐痰如膠之粘三連而病如掃

仲景有瓜
蒂散○子

三、用瓜青、綠豆、防風等分爲末各一錢，吐風痰。

白礬

味酸鹹寒性滑而收燥濕追涎化痰墜濁解

毒生津止血定疼通大小便主疔疾生好肉蝕惡肉

除瘡熱在骨情時珍曰能吐風熱痰涎取其酸若湯

瀉也白礬茶芽爲末冷水調服吐一切毒古方白礬湯石湯治

熱毒怪證日赤鼻脹大喘渾身生瘡毛髮如鉄此熱毒氣結於中下焦也白礬二兩消石二兩水三碗煎

減半不住飲之飲盡再作鶴頂丹治疔喉胸痺痰火聲嘶白礬三錢銀珍一錢五分同研入瓦盞置炭

火上焙化去火候葷爲末每服一錢五分薑茶煎湯

開下聽其心上隱隱微聲結者自散白礬化痰解毒銀珠破積鐵化湯洗一切眼疾痘後紫脹侵睛赤消滯也 爛雲照尤妙生白礬竹白礬煎藥等宜

五味子二錢川椒五分烏梅二枚杏仁七粒新針七
箇無根木泡七晝夜針亦化為木矣一日三洗效

牙皂

味辛鹹性溫有小毒入肝腎主風痺死肌頭

風目淚通關竅理瘡疽

婦人吹乳及乳癰牙皂燒
灰同蛤粉研末調服二錢

脹滿化水穀除咳嗽療骨蒸搐鼻噴嚏立至敷腫疼

痛卽除和白礬可吐風痰拌蜜煎名爲導箭○刺主

厲風鼻梁崩倒眉髮自脫又主瘡疽未潰者能發空

竅已潰者引藥排膿直透達膿處成功諸般惡瘡咸

不可缺

千金方治二便關格皂莢燒末米飲調服三
錢立通宜明酒打麵糊丸如桐子大溫酒下

二錢

又方鐵角散治痰喘咳逆及哮喘神驗長皂
角三條一條入半夏十粒一條入杏仁十粒一條入

寒溫備用 卷六

巴豆十粒，用鹽炙入半夏條薑汁炙入杏仁條麻油炙入巴豆條俱黃色爲度去皮子研爲末每服二二三分安手心以薑汁調之舌能嚥下。

常山 味辛苦微寒有小毒能引吐行水祛老痰積飲。○痰有六風痰寒痰濕痰熱痰氣痰食痰飲有五流於肺爲支飲於肝爲懸飲於心爲伏飲於經絡爲溢飲於腸胃爲痰飲常山力能吐之下之同甘草用則吐同大黃用則下多用生用亦必吐若酒浸炒透但用錢許能起沉疴每見奇功未見其或吐也勿泥雷公久病忌服之說。○胡荽曰常山吐瘧痰熱蒸吐

風痰瓜蒂吐熱痰附子尖吐濕痰寒痰菴葶子吐氣

痰食痰若體虛人涌吐痰涎惟人參蘆爲最

藜蘆

反細辛芍藥諸參取根去頭

味辛苦性寒有大毒入口卽吐

善通頂令人噉風癩證多用之

藜蘆一錢鬱金五分爲末薑漿木和服探

吐通頂散治諸風頭痛藜蘆一錢黃連一分爲末

暗煎。子和日一婦病癩數年探食百草狀若慈苗

出後輕健如常以所食訪人卽藜蘆也

人參蘆

味苦氣輕以逆流水煎服五錢

或入竹瀝湧出

痰涎虛人無損

千金方燒鹽熱湯調服以指探吐凡病皆宜亦無損也

按內經

云其高者因之越之在上者涌之木鬱奪之越以瓜

親有去

諸人序

系句字臨

均甚佳內

以靈序

為家

中下秋

卷之五

蒂豆豉之苦。涌以赤小豆之酸。奪去上焦有形之物。而木得舒暢。則是天地交而萬物通也。○丹溪曰。吐中就有發散之義。以吐發汗。人所不知也。○訥菴曰。汗吐下和治療之四法。仲景瓜蒂散。梔豉湯。並是吐法子。和治病用吐尤多。丹溪治許白雲大吐二十餘日。小便不通。亦用吐法。甚至四君四物以引吐成法。具在今人。惟知以和為上。汗下次之。而吐法絕置不用。遇邪在上。當吐不吐。致結塞而成壞病。背棄古法。枉人性命。可痛也夫。